

四庫全書

子部

# 欽定四庫全書

子部

御定淵鑑類函卷三百七十一

詳校官鴻臚寺少卿<sub>臣</sub>梁景陽

主事<sub>臣</sub>祁韻士覆勘

總校官進士<sub>臣</sub>繆琪

校對官中書<sub>臣</sub>王慶長

謄錄監生<sub>臣</sub>王永鎮

欽定四庫全書

御定淵鑑類函卷三百七十一

服飾部二

纓 簪 貂蟬 法服 袍  
朱衣 中衣 單衣 帶

纓一

增釋名曰纓頸也自上而下繫于頸也 說文曰纓冠

系也 禮記曰玄冠朱組纓天子之冠也玄冠丹組纓

諸侯之齊冠也玄冠綦組纓士之齊冠也 又曰子事

父母冠綏纓婦事舅姑衿纓綦屨

注下纓  
香囊也

孟子曰有

孺子歌曰滄浪之水清兮可以濯我纓 又曰今有同  
室之人鬪者救之雖被髮纓冠而救之可也鄉鄰有鬪  
者被髮纓冠而往救之則惑也雖閉戶可也 晉陸機  
詩曰冠冕無醜士長纓皆俊民 晉成公綏七唱曰瓊  
弁曜首玉纓照目 宋謝靈運七濟曰翠綾媚纓朱裳  
妍形 劉梁七舉曰華組之纓從風紛紜 山海經曰  
拘纓之國一手把纓

纓二

增管子曰桓公親郊管仲誅纓捷袵 莊子曰原子居  
衛正冠而纓絕振衿而肘見言其貧也 漢書曰江充  
見犬臺宮冠蟬纚步搖冠飛翾之纓張晏曰冠蟬纚小  
步則搖纓隨冠而動若鳥翾然也

### 纓三

原美人絕

終軍請

說苑曰楚莊王賜羣臣酒日暮酒酣燈滅有引美人之衣者美人援

絕其冠纓而告王取火來視王曰賜人酒使醉失禮奈何欲顯婦人之節而辱士乎乃命左右曰今日與寡人飲不絕纓者不歡羣臣百餘皆絕去其冠纓而上火卒盡歡而罷 史記曰終軍字子雲濟南人上書請受長

纓必羈南越王而致之闕下

增著大頭拔長髮

後魏

書曰李彪嘗使齊著大頭纓纓裾至腰張翮笑之曰北國士大夫帽裾亦有等級否彪曰上士至腰中士至膝下士徒蓋髮而已晉書曰石季龍子儀陽公鑒時鎮關中役煩賦重失闕右之和其女官李松勸鑒文武有長髮者拔為冠纓餘以給宮人季龍聞之大怒以其右僕射張離為雍州刺史以察之信然徵鑒還鄴收松下尉廷尉

纓四

原飛羽

漢舊儀曰乘輿冠高山冠飛羽之纓

蟬翼

徐幹齊都賦曰織纓細纓輕配蟬翼自尊

及卑須此元服

玄纓

尉繚子曰天子玄冠玄纓諸侯素冠素纓自大夫以下皆卓冠卓纓

增

香纓

之香譜曰香纓以五絲為之婦參舅姑所持者

原塵纓

見北山移文曰今解蘭縛塵纓

獵纓

史記曰賈誼獵纓整衿攬也

又崔駰達指曰有事則褰裳而濡足挂冠不顧無事則獵纓整

衿

玉纓

左傳曰瓊弁玉纓又見纓一

珠纓

三禮圖曰珠纓翠綵又黃庭堅詩曰青

林多露

斷纓

韓子曰鄒君好服長纓左右皆作纓甚

綴珠纓

斷纓

貴鄒君患之問左右對曰君服之百姓

亦多服故貴鄒君因自斷

濯纓

詳纓一渢父歌同

增繫纓

左傳曰繫厲游纓昭其

繫纓

左傳曰衛仲叔于奚請曲縣繫纓以朝許之

數也注纓馬膺前索帶

禮記禮有以少為貴

原死結纓

衛蒯聩入輒出奔季路入太子擢下石乞

者大路繁纓一就

原死結纓

衛蒯聩入輒出奔季

孟厲敵子路以戈擊之斷纓子路曰君子死冠不免結纓而死

笑絕纓

史記曰淳于髡仰天大笑

冠纓

青組纓

儀禮士冠禮曰緇布冠缺頂青組纓屬于缺

曼胡纓

莊子曰昔

趙惠文王喜劍太子患之蒙左右孰能說王左右曰莊子當能太子乃使人以千金奉莊子莊子不受與使者俱往太子曰我王所見唯劍士遂頭突鬢冠曼胡之纓短後之衣瞋目而語難王悅之今大夫必儒服而見王事必大逆莊子曰請為劍服

增泣淚濕纓

石崇王明君辭曰泣淚濕珠纓

傾耳

拂纓

張景陽七命曰王子拂纓而傾耳

原以為首飾

後漢輿服志曰聖人見鳥獸有

冠角頗胡之制遂作冠冕纓綏以為首飾凡十二章

斑其相紛

楚辭曰士女雜坐亂而不分些

放散組纓斑其相紛些注云言男女共坐除去威嚴放其冠纓舒散印綬斑然相亂不可整理

簪一



增釋名曰簪連也所以簪冠于髮也 史記李斯上書

曰宛珠之簪傅璣之珥 漢董巴輿服志曰公卿列侯

中二千石夫人紺繒幘黃金龍首銜白珠魚鬚長尺為  
簪 又曰皇后謁廟假結步搖簪珥步搖以黃金為山

題貫白珠為桂枝相繆一爵九華熊虎赤羆天鹿辟邪

南山豐大特六獸詩所謂副笄六珈者諸爵獸皆以翡

翠為毛羽金題白珠璫繞以翡翠為華云貴人助蠶制

大手結墨璫瑁又加簪珥長公主加步搖公主大手結

皆有簪珥 漢鏡歌曲曰有所思兮乃在大海南何以  
遺之雙珠玳瑁簪

簪二

增漢書劉向列女傳曰周宣姜后齊女也宣王常晏起  
姜后脫簪珥待罪于永巷 漢佞幸傳曰景帝没入鄧  
通家財一簪不得著身 漢書曰武帝從館陶公主飲  
上曰願謁主人公主乃下殿去簪珥徒跣頓首謝自引  
董君董君隨主前伏殿下 西京雜記曰武帝過李夫

人就取玉簪搔頭宮中爭效之玉價倍貴 東觀漢記  
曰梁統與杜林書曰君非隗囂不降志辱身至簪蒿席  
草不食其粟 魏書曰司馬芝為河南尹時門下循行  
疑門幹盜簪芝曰物有相似而難分者循行何惜一簪  
輕傷同類乎 梁書曰羊侃家妓孫荆玉能反腰至地  
銜得席上玉簪 後魏書曰胡太后幸闕口溫水登雞  
頭山自射象牙簪一發能即中之

簪三

原鳳凰

玳瑁

後漢書輿服志曰太皇太后皇太后入廟服紺上卑下蠶青上縹下皆深衣制

隱領袖緣以條剪麓簪珥耳瑤垂珠簪以瑇瑁為撓長一尺端為華勝上為鳳凰爵以翡翠為毛羽下有白珠垂黃金鑷左右一橫簪之以安齒結諸簪珥皆同制其撓有等級焉班固與竇憲牋曰將軍哀憐賜以玉躬所喜玳瑁簪

又詳簪一

增哭亡

分飲

文選陸機演連珠曰少原之婦哭其亡簪

注韓詩外傳曰孔子出遊少原之野有婦人中澤而哭甚哀孔子怪之使弟子問焉婦人對曰向日刈著薪而亡吾著簪是以哀孔子曰刈著薪而亡著簪有何悲也婦人曰非悲亡簪吾所以悲者不忘故也神仙傳曰左慈能分杯飲酒曹公聞試之慈拔簪以畫杯即中斷分為兩向平陳紀曰籌禪師簪置藥中七日能分杯一邊飲一邊尚滿

破魚

驅鳥

幽明錄曰孫權時南方遣使獻簪過宮亭湖廬山君廟請

福神下教求簪吏曰簪獻天子必乞哀念神云臨入石頭當相還吏遂去達石頭有三尺鯉魚跳入船吏破腹得之吳均續齊諧記曰東海蔣潛嘗至不其縣于野林中見一死人鳥來食之輒見一小兒長三尺許來驅鳥乃起去潛乃往視之見有犀貫玉螭射象牙郭導乃拔取衆鳥爭集無復驅者

橫洞冥記曰帝好微行于長安城西夜見一玉螭遊于路董謁曰昔桀媚末嬉于膝上以金簪貫玉螭腹為戲弄今螭腹有金穿痕安知非此耶下詳簪二

## 簪四

增角簪

唐六典曰凡王公

牙簪

又曰凡百官弁服牙簪導

投簪

文選詩曰聊以投吾簪

北

盍簪

易曰勿疑朋盍簪

山移文曰昔聞投簪逸海岸

盍合也簪疾也速

也

纓簪

李白詩曰京國會纓簪

朝簪

王安石詩曰君方困旅食吾亦誤朝簪

對華簪

錢起詩曰羞將白髮對華簪

夢好簪

詳見下

有遺簪

淳于髡曰

前有墮耳後有遺簪  
髡竊樂此可飲一石

不勝簪

杜甫詩曰白頭搔更短渾欲不勝簪

石

磨簪

顧況詩曰井裏引銀瓶銀瓶欲上絲繩絕石上磨玉簪玉簪欲成中央折

雪滿簪

蘇軾

詩曰憔悴雲孫雪滿簪  
又曰白髮新來已上簪

墜玉簪

白蓮詩曰昨夜三更裏垣城墜玉簪又

韓愈詩曰山為碧玉筴與簪同

擲玳簪

王禹偁筍詩曰田文死後賓朋散拋擲三千玳瑁簪

原黑犀簪

班固與弟超書令遺仲叔玳瑁黑犀簪又諸葛恢集詔荅恢曰今送一犀導小物耳然

是情發于中而寄乎物

通犀簪

江表傳曰魏文帝遣使于吳求通犀簪羣臣曰貢有常典魏所

求非法宜勿與孫權曰彼在諒闇之中而

趙相誘楚

史記曰趙相平原君使楚誘楚為玳瑁簪或曰趙平原

君使人于春申君趙使欲誇楚為玳瑁簪春申君客三

千餘人上客皆玳瑁簪

楚相馭齊淮南子曰楚將子發

躡珠履趙使大慙偷者往見子發子發禮之無幾何齊伐楚子發將軍當

之兵三却齊師逾強于是善偷者夜出取帟明日夕取枕

明夕又取簪悉歸之齊師大駭今夕

夏禹墮不掇

論曰禹治洪水身親其勞澤行路宿過門不入當此之時簪隨不掇冠挂不顧而暇耕乎

周主求

不得

韓子曰周主亡玉簪令吏求之三日不能得也周

主令人求而得之家人之屋間周主曰吾知吏之不

不事事也求簪三日不得之吾令人求之不

移日而得之于是吏皆聳懼以為君神明也

張華遺

次定四庫全書

御定四庫全書

七

慕容

燕書曰高祖慕容廆童兒時往見晉安北將軍張華華雅有人鑒謂高祖曰君後為經世之器匡難

濟時者也脫所著憤簪以遺之慙懃而別

班固遺仲叔

上詳

筭者今之簪

儀禮士冠禮曰皮弁筭鄭注云筭今之簪有筭者屈組為紃垂為飾無筭

簪者已之尊

夢書

曰簪為身簪者已之尊也夢著好簪身之喜歡也

# 貂蟬一

原應劭漢官儀曰侍中金貂左貂金取堅剛百陶不耗  
蟬居高食潔口在腋下貂內勁悍而外溫潤 增徐廣  
車服雜注曰蟬取清高飲露而不食貂取紫蔚溫潤而



光彩不彰灼 又曰武官皆惠文冠本趙服也一名武

弁凡侍臣加貂蟬愚謂北土涼寒本以貂皮煖附施于冠因遂變而成飾也 董巴輿服志曰侍中冠武弁大

冠加金璫附蟬為文貂尾為飾侍中則左貂常侍則右貂 原漢書曰谷永對策曰昔龍筦納言而帝命惟允四輔既備成王靡有過事誠敕正左右齋栗之臣戴金貂之飾執常伯之職皆使學先王之道知君臣之義增崔豹古今注曰貂蟬冠貴服也貂者取其有文而不

煥外柔而易內剛而勁蟬者取其清虛而識時變在位

者有文而不自耀有武而不示人清虛自牧識時而動

文選曹植曰戴蟬珥貂 劉楨答魏文帝啟曰貂麀

之尾挂侍臣之幘 原庾闡三都賦曰金貂連映鳴珮

鏘鏘 潘岳秋興賦曰登春臺之熙熙珥金貂之炯炯

增成公綏七唱曰金璫煌煌貂珥峨峨 原應璩詩

曰當宁總庶事縣鞞垂法憲脫珥且納言貂璫表武弁  
增孫楚會王侍中座上詩曰顯允君子時惟英邵元

貂左移華蟬增曜 左思賦曰藹藹列侍金貂齊光

唐百官志曰散騎常侍分左右隸門下中書省皆黃金  
璫附貂蟬尾左散騎與侍中為左貂右散騎與中書令  
為右貂謂之八貂 文獻通考曰宋制中書門下省冠

加籠巾貂蟬

注云籠巾編藤漆之塗金銀飾玳瑁蟬一金蟬六御玉

宋史輿服

志曰元豐二年詳定朝會儀注所言貂蟬籠巾七梁冠  
為第一等蟬舊以玳瑁為蝴蝶狀今請改為黃金附蟬  
宰相親王使相三師三公服之

貂蟬二

增應劭漢官儀曰貂蟬趙服昔趙武靈王所服也其後  
秦始皇破趙得其冠以賜侍中高祖滅秦亦復如之後  
侍中皇權參乘問貂璫何法不知其說復問地震云不  
為災還宮左遷議郎 又曰中常侍秦官也漢興或用  
士人銀璫左貂世祖以來專用宦者右貂金璫 原漢  
書曰燕刺王旦招來郡國姦人賦斂銅鐵作甲兵數閱  
其車騎材官卒建旌旗鼓車旄頭先毆郎中侍從者著

貂羽黃金附蟬 又曰劉向上封事曰今王氏一姓乘

朱輪華轂者二十三人皆青紫貂蟬充盈幄內 增又

曰王莽篡位更漢制黑貂為黃貂又改漢正朔臘日太

后命其官屬黑貂至漢家正臘日獨與其左右相對飲

酒食肉 原後漢書曰朱穆上疏曰建武以後乃悉用

宦者自延平以來浸益貴盛假貂璫之飾處常伯之任

三輔決錄曰杜陵韋伯考鬻書力養親既登常伯貂

璫煌煌承事尤謹 增晉書曰劉聰破洛城將懷帝還

平陽作赦書以六月十一日破洛羣王束手軍門貂蟬羽葆以充王府 齊書曰王儉以朝儀草創衣服制則未有定準議曰漢景六年梁王入朝中郎謁者金貂出入殿門 又曰何戢為侍中上欲轉戢領選問尚書褚淵以戢資重欲加散騎常侍褚淵曰宋時王球從侍中中書令作吏部尚書資與戢相似領選之職方昔小輕不容頓加常侍聖旨每以蟬冕不宜過多臣與王儉既左珥若復加戢則八座遂有三貂若帖以驍游亦不為

小廼以戢為吏部尚書加驍騎將軍 梁書曰帝臨軒  
冠太子于太極殿舊制太子著遠遊冠金貂蟬翠綵纓  
至是詔加金博山 又曰王規為晉安王長史王立為  
太子仍為散騎常侍太子中庶子侍東宮太子賜以所  
服貂蟬

### 貂蟬三

增盈坐

置案

晉書曰趙王倫篡位同謀者咸超階越級不可勝紀至于奴卒厠役亦加以爵

位每朝會貂蟬盈坐故時諺曰貂不足狗尾續 蕭子顯齊書曰侍中世為親近職魏晉選用稍增華重宋文

帝元嘉中王曇首殷景仁等並為侍中情任親密景仁與帝接席共話貂拂帝帝手拔貂置案上語畢復手抽之

換酒

拌肉

晉書曰阮孚字遙集為安東府參軍蓬髮飲酒不以正務櫻心後拜散騎

常侍性既嗜酒常以金貂換酒為所司勅彈帝宥之齊書曰武陵昭王武帝即位歷中書祠部尚書或言王有非常之相以此自負武帝聞之故無寵未嘗處以方岳常于御座侍宴醉伏地貂抄肉拌帝笑曰肉汗貂對曰陛下愛羽毛而疎骨肉帝不悅

七葉貂

八座貂

左太沖詩曰金張藉舊業七葉

珥漢貂二下

江淹休徵

朱弁嘉兆

齊書曰江淹累遷秘書監侍中

衛尉卿初淹年十三孤貧常採薪以養母曾于樵所得貂蟬一具將鬻以供養其母曰此故汝之休徵也汝才行若此宜長貧賤邪留待得侍中著之至是果如母言梁書曰朱弁除中書郎秋日始拜有飛蟬正集弁武



冠上時人咸謂珥蟬之兆後果如其言

### 貂蟬四

增公孫內服

西京雜記曰公孫弘起家徒步為丞相故人高賀從之弘食以脫粟飯覆以布被賀

怨曰何用故人富貴為脫粟布被我自之弘大慙賀告人曰公孫弘內服貂蟬外衣麻桌豈可以示天下于

是朝廷疑其矯焉

敬兒投地

齊書曰張敬兒被收脫貂冠投地曰用此物誤我

戲

周盤龍

齊書曰周盤龍為東平太守求解職許之還為散騎常侍武帝戲之曰卿著貂蟬何如兜鍪盤

龍曰此貂蟬從兜鍪中生耳

戲陸雲公

又曰陸雲公善奕棋嘗夜侍武帝冠觸燭火帝笑謂

曰燭燒卿貂蓋帝將用為侍中故以此戲之

女尚書加

後魏書曰神龜元年詔加女侍中貂

蟬同外侍中之飾任城王澄上表諫曰高祖世宗皆有女侍中官未見綴金蟬于象揅珥懸貂于鬢髮江南偽晉穆何后有女尚書而加貂蟬此乃衰亂之世妖妄之服請依常儀追還前詔帝從之

女侍中

著鄴中記曰石虎出征計所得婦人美色萬餘選為女侍中著貂璫直皇后

貂蟬五

原賦陳江總華貂賦曰領軍新安殿下以副貂垂錫仰銘恩澤謹題小賦貴豐貂于挹婁飾惠文而見求標侍臣之密設曜毛采之溫柔拜文梳而影度陪武帳而香浮隨玉珩之近遠共金璫之去留仰太山之千仞開谷

中之鄙吝撤君子之寶飾榮小人之蓬鬢茂置醴之殊  
私誇賜田之薄潤顧朽拙之微躬早遊藝而不工逢河  
間之好古自隗始而恩隆諒維鵜之有媿庶懷昔而克  
終 增唐侯洌貂蟬冠賦曰冠表朝容飾崇工製示勁  
悍而貂文既緝彰清高而蟬翼斯綴所以發宰臣之盛  
改武弁之弊配紫綬而增華入黃樞而轉麗突爾將戴  
翹然可觀糝輕毛而絲絡闢微殼而花攢引雜錯之光  
足見乎以文為貴分動搖之影誠誠夫居危如安麗則

無挂新而莫彈彩列如星衛女何榮于會弁用常謁帝  
齊相堪嗤于濯冠所以類鼠咸收如塘必取示威無假  
于鵠戴呈巧豈矜于鵠聚影麗華簪光聯垂組乍臨天  
陛澤鮮而日照如濡時受王言質薄而風搖自舞鄙舊  
規于却敵笑遠適于章甫貂之貴誰憂換酒于晉臣蟬  
之清是用加金于漢主故能堅逾鐵柱妙奪玉纓非不  
足之時狗尾何續從有綏而用蜩甲如生柔而輔曲潔  
以從輕灼灼而自為首飾炯炯而能使心清至矣哉蟬

者食潔居高貂者內溫外悍盡飾斯在齊光不散發令  
姿于綴者王何以尊藉舊業而珥焉金張益煥將進賢  
而並美與友讓以相資承柱後之名是表裏無違者冠  
侍中之首欲使人皆見之道光漢冊事合秦賜冠乎用  
之斯以明義

原啟梁元帝謝東宮賚貂蟬啟曰挹婁之毳曲降鴻恩  
麗水之珍復蒙殊獎東平紫貂之賜非聞煖額中山黃  
金之錫豈曰附蟬坐變仲尼之容增暉允南之貌

法服一

增釋名曰袞卷也畫卷龍于衣也 書曰帝曰予欲觀

古人之象日月星辰山龍華蟲作會宗彝藻火粉米黼  
黻絺繡以五采彰施于五色作服汝明 原又武成曰

華夏蠻貊罔不率俾孔傳云冕服采章曰華大國曰夏

增尚書大傳曰山龍青華蟲黃宗彝黑粉米白藻火

赤天子五服 說文曰天子享先王袞龍繡于下帑一

龍蟠阿上嚮 詩曰九罭之魚鱗魴我覲之子袞衣繡

裳 又曰君子來朝何錫予之雖無予之路車乘馬又  
何予之玄衮及黼 又曰衮職有闕維仲山甫補之

禮記曰一命緼黻黹衡再命赤黻黹衡三命赤黻葱衡  
又曰有以文為貴者天子龍卷諸侯黼大夫黻士玄

衣纁裳 又郊特牲曰祭之日王被衮以象天戴冕藻  
十有二旒則天數也 又明堂位曰衮冕立于阼 周  
禮春官司服曰王之吉服享先王則衮冕 又夏官  
下曰節服氏掌祭禮朝覲衮冕六人維王之太常 原

又內司服職掌王后之六服褙衣揄狄闕狄鞠衣展衣

緣衣鄭注曰狄當為翟雉名伊洛而南素質五色皆備

成章曰翬王后之服刻繒為之形而采畫之綴于衣以

為文章褙衣畫翬者也 增儀禮曰天子衮冕負斧扆

原孝經曰非先王之法服不敢服鄭注云天子服日

月星辰諸侯服山龍華蟲大夫服藻火士服粉米 增

環濟要畧曰白與黑謂之黼黑與青謂之黻青與赤謂

之文赤與白謂之章五色備謂之繡諸侯去日月星辰



服山龍華蟲卿大夫去山龍華蟲服藻火粉米 穀梁

傳序曰一字之褒賞榮華袞片言之貶誅深斧鉞 董

巴輿服志曰行大射禮于辟雍公卿諸侯大夫行禮者

冠委貌衣玄端素裳執事者冠弁衣緇麻衣皐領袖下

素裳 漢禮儀志曰立春京師百官衣青立夏衣赤先

立秋十八日衣黃立秋衣白立冬衣皐冬至衣絳名為

五時服 吳澄三禮考內司服注曰漢世后有圭衣者

蓋亦三翟之遺俗歟 原陳留風俗記曰襄邑縣睢渙

之間出文章故有黻藻絺繡日月華蟲以奉天子

法服二

增六韜曰昔堯帝王天下黼衣絰履不敝盡不更為也

孟子曰舜被衿衣 論語子曰禹惡衣服而致美乎

黻冕 左傳曰諸侯伐楚許穆公卒于師凡諸侯薨于

朝會加一等死王事加二等于是以衮斂 原摯虞決

疑要注曰秦除衮冕之制唯為玄衣絳裳一具而已漢

興亦如之中興後明帝永平中使諸儒案古文依圖書

始復造冕袞火龍黼黻以奉祀郊廟 董巴輿服志曰  
漢承秦故至顯宗初服旒冕衣裳文章赤舄絢履以祠  
天地養三老五更于三雍 增漢書曰齊國有三服官  
春獻冠幘縱為首服紈素為冬服輕綃為夏服 又曰  
韋孟詩云肅肅我祖家自豕韋袞衣朱黻四牡龍旂  
傅子曰魏明帝疑三公袞冕之服似天子減其采章  
晉書曰元康六年詔曰魏以來皇后蠶服皆以文繡非  
古義也今宜純服青以為永制 後秦記曰姚襄夢弟

長著衮服上御座謂官屬曰此兒或能大起吾族 齊  
書曰陸澄兼左丞奉始六年詔皇太子朝賀復衮冕九  
章澄與議曹郎丘仲起議服冕以朝實著經文秦除六  
冕漢明還備魏晉以來不欲令臣下服冕故位公者加  
侍官今皇太子禮絕羣臣宜遵聖王盛典革近代之制  
文獻通考曰梁天監七年周舍議按禮有虞氏皇而  
祭深衣而養老鄭玄曰皇是畫鳳皇羽也又按禮如衮  
冕則衮是衣有虞氏言皇皇亦是衣今衮衣宜畫鳳皇

以示差降 又曰梁武帝曰禮王祀昊天服大裘而冕  
大裘不存其于質敬恐有未盡五經博士陸瑋等並云  
王祀昊天服大裘明諸臣禮不得同自魏以來皆用衮  
服今請依古更制大裘詔可瑋等又按鄭玄注司服云  
大裘羔裘也既無所出未為可據按六冕之服皆玄上  
纁下今宜以繒為之其制式如裘其裳以纁皆無文繡  
詔可 又曰後周設司服之官掌皇帝十二服祀昊天  
上帝則蒼衣五方上帝則隨方色朝日用青衣祭皇地

祇用黃衣夕月服素衣神州社稷用玄衣享先王加元服納后朝諸侯則十二章享諸先帝食三老五更耕藉等自龍以下九章祀星辰視朝大射饗羣臣等八章羣祀臨下學入道法門燕射養庶老適諸侯家七章其九章以下衣重袞山鷩裳重黼黻俱十有二等通以升龍為領標巡兵即戎則韎韐為衣裳田獵則皮弁白布衣而素裳也諸侯之服九章服之章數隨冕而降其一其八章以下衣重藻粉米裳重黼黻俱九等皆以山為領

標諸侯服八章而下俱八等皆以華蟲為領標諸伯皆七章而下俱七等以火為領標諸子服六章俱六等皆以宗彝為領標諸男服五章皆以藻為領標三公之服有九章有六衣重藻與粉米裳重黼黻俱為九等皆以宗彝為領標三孤之服有八章有五衣重藻與粉米裳重黼黻為八等公卿服有七章有四衣重粉米裳重黼黻為七等皆以粉米為領標大夫之服有六章有三衣重粉米裳重黼黻為六等中大夫之服有五章有三衣

重粉米為五等下大夫服有四章有三衣重粉米為四等士則祀弁爵弁玄冠服皆玄衣其裳上士以玄中士以黃下士雜裳庶士玄冠服其在官府吏之屬服緇衣裳唐六典曰後周皇后衣十二等翟衣六從祀郊禘享先皇服翬衣祭陰社朝命婦服綸衣獻繭服鶯衣采桑服鳴衣聽女教服鵠衣歸寧服翟衣以翬雉為領標臨婦學燕命婦蒼衣春齋祭還青衣桑還黃衣秋祭素衣冬玄衣又曰隋煬帝令牛弘等制皇后服四等禕



衣以暈翟五綵重行十二等 唐舊記曰三品以上服  
紫四品深緋五品淺緋六品深綠七品淺綠八品深青  
九品淺青庶人服黃一品以上文官並帶手巾刀子礪  
石武官欲帶聽之九月百寮具新服宴之 唐書曰代  
宗時渤海質子盜袞龍服捕得之詞云慕中國衣服上  
赦之 又通考曰宋徽宗大觀元年議禮局言大社太  
學獻官祝禮皆以法服奉祠至郡邑則用常服乞降祭  
服詔頒制度于州郡然未明製造至政和間始詔州縣

冠服形製詭異令禮制局造樣頒下轉運司製造以給州縣焉 又曰宋高宗紹興元年宗祀明堂僅有朝服十三副祭服六十二副乃命工部增造祭服六十三副及贊者樂舞之服 金史輿服志曰五品以上官趨朝則朝服赴省則展阜凡朝參主寶主符展紫閣門六尚遇朝參侍立則服本品服若宮中當直則服窄紫 元史輿服志曰成宗大德九年置冠服于法服庫收掌法服二百九十有九公服二百八十窄紫二百九十有五

# 法服三

原五采

九章

董巴輿服志曰後世聖人觀翬翟之文

以為服

儀禮覲禮曰侯氏裨冕釋幣于禰天子衮冕

負斧依鄭注云衮衣裨之上也

續之繡之為九章其龍

天子有升龍有降龍衣此衣而冠冕南向而立以俟諸侯見

增象取乾坤

制應

規矩

易曰黃帝堯舜垂衣裳而天下治蓋取諸乾坤禮曰古者深衣蓋有制度以應規矩繩權衡短母

見膚長母被土

# 法服四

增驚衣

天子六服大裘衮衣及下四衣是也釋名曰驚山雉也驚慙也性急慙不可生必自殺故畫其

形于衣以象人執耿介之節也三

禮圖曰王祭先公及饗射之服也

毳衣釋名曰毳茂也畫藻文于

衣象水草之毳茂溫暖而潔也

三禮圖曰王祀四望山川服也

絺衣周禮曰王之吉服祭社稷則絺

冕

玄衣

周禮曰王之吉服祭羣小祀玄冕

原禕衣

三禮圖曰王后以從王祭先王

之服也

以下王

揄狄

又曰王后從王祭先公之服也刻青翟形采畫雉綴于衣

后六服詳法服一

是也

鞠衣

又曰王后親桑之服也孤之妻服以從助祭其鞠衣之色象桑始生

闕翟

又曰

王后從祭羣小祀服也刻赤繒

為翟形而衣不采畫綴于衣也

展衣又曰王后以禮見王及賓客之

服也卿大夫之

緣衣

又曰王后御于王之

妻服以助君祭

下蔡邕獨斷曰天子公卿特進列侯祀

阜上絳下

徐

民車服雜注曰漢明帝始案古禮備其服章天子郊廟衣畫而裳繡為日月星辰山龍華蟲藻火粉米之類

縹絹上下

董巴輿服志曰公卿列侯中二千石夫人助蠶者縹絹上下皆深衣制也

皐

絹上下

徐野民車服雜注曰公卿特進列侯大夫卿世婦佐祭服皐絹上下

副其德章

其功

後漢書輿服志曰德盛者文縟故聖人處乎天子之位服玉藻遽延日月升龍山車金根飾黃屋左

纁所以副其德章其功也

顯其仁光其能

又曰賢仁佐聖封國愛民黼黻文繡降龍路車

所以顯其仁光其能也

法服五

原啟梁陸倕為息績謝敕賜朝服啟曰玄冕素帶出自

禁財朱紱青緇降于皇府輝燭鄰黨震耀街衢姻族移聽朋儕改矚非臣瓌弱所能陳報

增議齊王儉公府長史朝服議曰春秋國語云貌者情之華服者心之文巖廊盛禮衣冠為大是故軍國異容內外殊序而自頃承用每有乖違府職掌人教四方是則臣居毘佐志在當官永言先典載懷夕惕按晉令公府長史官品第六銅印墨綬朝服進賢兩梁冠掾屬官品第七朝服進賢一梁冠晉官表注亦與令同而今長

史掾屬但著朱衣而已此則公違明文積習成謬謂宜依舊制長史兩梁冠掾屬一梁冠並同備朝服中單韋舄率由舊章若所上蒙允并請班司徒二府及諸儀同三府通為永準又尋舊事司徒公府領兵者職僚悉同降朝不領兵者主簿祭酒中單韋舄並備令史以下唯著玄衣令府既開公謹遵此制其或有置臺位者玄服為宜案令稱謹有兼官皆從重官之例尋內官為重其署臺位者悉宜著位之服不在玄服之例若置諸卿寺

位兼府職者雖三品而卿寺為卑則宜依公府玄衣之制服章事重禮儀所先請臺詳服 又議曰自頃服章多闕有違前準近議依今文被報不宜改革又稱左丞劉議按令文凡有朝服今多闕亡然則文存服損非唯鉉佐用捨既久即為舊章如下旨伏尋皇宋受終每因晉舊制律令條章同規在昔若事有宜必合懲改則常上關詔書下由朝議縣諸日月垂則後昆豈得因外府之乖謬以為盛宋之興典用晉氏之律令而謂其儀為



積法哉順違從失非所望于高議申明舊典何改革之  
可論又左丞引令史之闕服以為鉉佐之明比夫名位  
不同禮數異等令史從省或有權宜達官簡畧為失彌  
重又主簿祭酒備服于王庭長史掾屬朱衣以就列于  
是倫比自成矛盾此而可忍孰而可安將引令以遵舊  
臺據失以為例研詳符旨良所未譬當官而行何強之  
有制令昭然守以無二

袍一

增釋名曰袍丈夫著下至跗者袍苞也內衣也 說文

曰以絮曰繭繭以緼曰袍 禮記玉藻曰繭為繭緼為

袍 身章撮要曰袍長褐也繭為繭緼為袍或曰周公

抱成王宴居故施袍 詩曰豈曰無衣與子同袍 論

語子曰衣敝緼袍與衣狐貉者立而不恥者其由也與

續漢書曰三老五更皆服都祿大袍 漢輿服志曰

公主貴人妃以上得著錦繡羅縠十二色綠袍 文獻

通考曰後漢永平二年詔宗廟以下祠祀皆阜繒袍

又曰晉制釋奠先聖則皁紗袍 唐六典曰袍之制有

五一曰青袍二曰緋袍三曰黃袍四曰白袍五曰皁袍

唐書曰諸衛大將軍中郎以下給袍者皆易其繡文

千牛衛以瑞牛左右衛以瑞馬駙衛以虎武衛以鷹威

衛以豹領軍衛以白澤金吾衛以辟邪 又曰其後以

紫為三品之服金玉帶鈎十三緋為四品之服金帶鈎

十一淺緋為五品之服金帶鈎十深綠為六品之服淺

綠為七品之服皆銀帶鈎九深青為八品之服淺青為

九品之服皆鍤石帶鍤八黃為流外官及庶人之服銅  
鐵帶鍤七既而天子袍衫皆用赤黃遂禁臣民服 又  
通考曰宋制天子之服赭黃淡黃襍袍衫紅袍常朝則  
服之窄袍便坐視事則服之 遼史志曰小祀皇帝紅  
克絲龜文袍 金史輿服志曰大定十五年制曰袍不  
加襴非古也遂命文資官公服皆加襴 元史輿服志  
曰窄袖袍制以羅或純

袍二

增墨子曰楚莊王鮮冠緼紐纓絳衣博袍以理其國政也 合璧曰孔子衣逢掖之衣逢掖其袖合而縫大近似今袍也下至賤夫小吏皆通制袍單衣阜綠領袍中衣為朝服 莊子曰曾子居衛緼袍無裏十年不制衣鹽鐵論曰原憲之緼袍賢于季孫之狐貉 說苑曰子思居衛緼袍無裏田子方遺狐白之裘恐其不受謂之曰吾假人遂忘之子思竟不受 原史記曰秦相范雎與魏人須賈有隙及賈使秦雎自稱張祿先生往詣

賈賈見其寒取一綈袍以賜之及睢數賈罪曰爾得不死者以綈袍戀戀有故人之意也 增漢書曰文帝遺單于繡袷長襦錦袷袍各一 又曰袁安為光祿勳至清粗袍糲食 原漢武內傳曰上元夫人降武帝服赤霜之袍雲采亂色非錦非繡不可得名 袁山松後漢書曰靈帝欲以羊續為太尉時拜三公者輸東園禮錢千萬令中使督之續乃坐使者于單席舉縕袍以示之曰臣之所資惟斯而已故不登公位 增又曰桓鸞字

始春鄔弟也少立志行緼袍糟食不求盈餘以濁世恥不肯仕 魏畧曰薛夏字宣聲黃初中為秘書丞帝與

夏推論書傳未嘗不終日也帝見其衣薄解御袍以賜之 蜀志曰彭義字永年姿性驕傲多所輕忽唯敬同

郡秦宓薦之于太守許靖曰竊見處士綿竹秦宓應山甫之德履雋生之直枕石漱流吟咏緼袍也 王隱晉

書曰武帝賜桓伊錢百萬袍裏千端 又曰江東賜涼

州刺史張駿真金印大袍 又曰鄭沖以儒雅為德蒞

職無幹局之譽簞食緼袍不營資產世以此重之 又

曰慕容沖進逼苻堅堅送一領錦袍遺沖曰古者兵交

使在其間今送一袍以明本懷 原續搜神記曰郭璞

自占其凶終嘗行建康逢一趨走少年即脫新絲袍與

之此人不解其意璞曰身命卒當在君手故逆相屬耳

及當死果此人行刑旁人皆為屬求利璞曰我托之久

矣此人為之歔歔哽咽 增文獻通考曰晉明帝泰始

四年詔以朱紗袍為聽政之服 齊書曰卞彬蚤賦



序曰余居貧布衣十年不製一袍之縕有生所託資其寒暑無與易之為之多病起居甚踈庸寢敗絮不能自釋 梁書曰侯景將為亂時謠曰青袍白馬壽陽來後景軍悉著青袍景乘白馬 又曰臨賀王正德侯景之

亂正德為平北將軍屯朱雀航景至正德乃北向望闕三拜歔沔涕引賊入宣陽門與景交揖馬上退據左衛府先是其軍皆著絳袍袍裏皆碧至是悉反之賊以正德為天子 唐六典曰自隋文帝制拓黃袍以聽朝

至今遂以為常 唐輿服志曰太尉長孫無忌議凡服

袍者下加襴紫緋綠皆視其品庶人以白 唐書曰武

后出緋紫單羅銘襟背袍以賜文武臣其袍各有烟戒

諸王則飾以盤石及鹿宰相飾以鳳池尚書飾以對雁

左右將軍飾以麒麟左右武衛飾以對虎左右鷹揚飾

以鷹左右千牛飾以牛左右豹韜飾以獅子左右金吾

飾以象又銘其襟背作八字迴文焉 又曰肅宗為皇

太子受冊當被絳紗袍太子以為與皇帝同稱辭不敢

當下百官議帝手敕改為朱明服 又曰薛平能守法  
度理身儉薄一綠袍十年不易恩加朱紱然後解去  
鍾岐良吏傳曰袁彭字伯楚為南陽太守政以清潔羈  
食緼袍不改其操

### 袍三

增無裏

加欄

上詳袍二 下詳袍一 袍二

赤霜

綠雲

上詳袍二 古

詩曰姁娥剪就綠雲袍  
待來蟾宮布與換

鬱金

明珠

鬱金袍御袍也唐詩曰日華浮動鬱

金袍

李白

詩曰

玉帶明珠袍又俠客之服也落日明珠袍

奪貂

服繭

唐明皇召李白

作樂章白佯醉不起帝曰賦成以貂豹錦袍與卿白起  
拔筆而成帝故戲之不與白奪其袍帝笑而與之杜甫

嘗贈詩曰筆落驚風雨詩成泣鬼神龍舟移  
棹晚獸錦奪袍新宋程伊川嘗服繭袍

金獸

雲鶴劉義恭啟事曰賜臣金獸袍珍製巧飾四王遺  
事曰惠帝與成王自鄴還洛陽既至賜中書監

盧志雲鶴綾袍一領金字繡文難拓集曰唐永壽中敕賜岳  
綾袍一領

州都督武后賜紫袍龜帶自製金字金烏寶雞唐  
十二于袍以旌其忠下詳袍一

曰禁中有金烏錦袍二玄宗幸溫泉與貴妃衣之酉  
陽雜俎曰安祿山恩寵莫比賜賚無數其所賜品目有

金鸞紫羅緋羅立馬覆學士嫁宮人唐書曰韋綬  
寶雞袍一名玉雞

林學士帝常幸其院會綬方寢學士鄭絪欲馳告之帝  
不許時大寒以西蜀錦袍覆之而去又曰開元中賜

邊衣製自宮中有軍校袍中得一詩曰留意多添線含  
情更著綿今生已過了重結後生緣持書白帥帥以聞  
明皇問之有一宮人自言萬死即  
以嫁得詩者曰與汝結今生緣  
解贈范睢 奪賜

之問上詳袍二雞跖集曰宋之問獻詩武后奪  
東方虬錦袍以賜之杜甫詩曰詩成奪錦袍

### 袍四

原珠袍搜神記曰有談生四十無婦讀書通夕不寐夜  
有女子姿色無比求為生妻經三年生一兒祝

云慎勿以火照我後三年可照耳生不能忍私照之自  
腰上肉如人腰以下乃枯骨耳後婦求去將生入華堂

曲典室以珠袍贈之生至市賣袍睢陽王 增金袍杜  
識是女袍收拷談生生具對視兒果似女

詩曰金袍 原丹紗 鄴中記曰石虎臨軒大會 碧紗  
映玉羈 著丹紗袍或作青龍袍

虞譚筆記曰秦寧二年詔贈大夫碧紗袍

增紋袍

宋文鑑宋祁謝衣襖表曰緘褚紋袍

聯

袍西京雜記枚乘柳賦曰俊又英髦列襟睽袍

履袍

韡袍

宋史輿服志曰繫履則曰

履袍服韡袍則曰韡袍

青袍

杜甫詩曰春草隨青袍又曰江草亂青袍

赭袍

歐陽修詩曰玉

殿光中認赭袍

長袍

文獻通考曰唐明皇開元四年二月制軍將在陣賞借緋紫本是從戎缺袴之

服一得之後遂別造長袍遞相倣效自今以後衙內宜專命殿中侍御史糾察

窄袍

詳袍

恩袍

宋仁廟賜詩曰恩袍草色動

戰袍

宋曹彬詩曰羞著團花舊戰袍又黃庭堅詩曰不踏

金門著戰袍

寒袍

杜甫詩曰使君贈寒袍

布袍

神仙傳曰太傅楊駿迎孫登共語不

答復以布袍賜之受之出門從人借刀斷袍上下異處駿問又大雖人以為狂後乃知駿當誅

宮錦

袍李白本傳夜月乘舟采石衣  
宮錦袍顧瞻笑傲旁若無人

蜀顧袍即韋綬事  
詳袍三

鬱輪袍廣林記曰唐王維微時為岐王所賞作琵琶曲  
名鬱輪袍貴戚大愛之遂因緣為京兆解首

蘇軾詩曰新曲翻從玉  
連鎖舊聲終愛鬱輪袍  
絳綾袍東宮舊事曰太子納

又齊諧記曰餘杭縣有民家近山嘗一夕其民與父  
母入山至更餘忽見一人著絳綾袍云是閬山王

賜十萬袍唐史曰哥舒翰不卹士訴衣服  
穿空帝製袍十萬賜軍翰藏之  
夢十郎

袍揮塵前錄曰曾文肅帥定一日晨起忽語諸子曰吾  
必為宰相然須南遷啟其所以公曰吾昨夕夢衣十

郎綠袍北向謝恩宜非他日貶司戶之徵乎後十年果  
登庸既為蔡元長所擠降廉州司戶參軍敕到取幼子

紵朝服以拜命果符  
前夢十郎即紵也  
還得遺袍唐允濟為武陽令有  
人夜遺袍行十里乃

覺人曰吾境未嘗拾遺還取之果得

引覆已袍

開元遺事曰安祿山李林甫稍厚之引至中書

履以已袍

黃袍加身

宋太祖次陳橋驛軍士直逼寢所願輔太尉為天子帝驚起披衣未及對

黃袍已加身矣

錦袍放生

劉義恭故事曰詔旨以赦日所制綾紋錦布袍放生古具袍垂賜

又唐詩曰簾外春寒賜錦袍

原流霞羽袍

真人三君內傳曰太上丈人著流霞羽袍芙蓉

冠之

羅縠錦袍

魏武帝與楊彪書曰今遺足下貴室錯彩羅縠錦袍一領

增紫袍

主事

雜錄曰侍郎韋見素張倚與本曹郎趙走堂下抱案牘楊國忠顏女弟曰紫袍二主事何如皆大噱

紫袍秘監

白居易初授秘監詩曰紫袍新秘監白首舊書生鬢雪人間壽腰金世上榮

原葛袍示使

古今善言曰靈帝用南陽太守羊續為三司而求賂續乃出葛袍以示使者時人謠



曰天下清苦羊續祖

又詳袍二與此稍異

增緼袍與立

詳袍

不棄綠

袍唐楊炎自貶道州還家人以綠袍木簡棄之炎止之

福必有非常之禍安可棄是乎

悉著白袍

陳慶之攻魏麾下悉著白袍所向披靡謠曰千軍萬

里避白袍

原賜尚書卓袍

後漢書曰藥崧者河內人為郎嘗直臺上無被帝每夜入臺輒

見崧甚嘉之自此詔大官賜尚書以下帷被卓袍

給將士韋袍

劉弘教曰將士寒窮者皆

本部為之增給一韋袍

倪寬若僕妾

鹽鐵論曰倪寬袍若僕妾食若傭夫

馬后

極粗疎

東觀漢記曰明德馬后袍極粗疎諸王望見乃以為綺

袍五

原詩古樂府曰白紵寶如月輕如雲色似銀製以為袍  
餘作巾袍以光軀巾拂塵 又古詩曰青袍似青草長  
條隨風舒 增唐白居易詩曰吾年五十加朝散爾亦  
今年賜服章齒髮恰同知命歲官銜俱是客曹郎榮傳  
錦帳花聯萼彩戲綾袍雁趣行大抵著緋宜老大莫嫌  
秋髮數莖霜

原賦陳江總山水納袍賦曰皇儲監國餘辰勞謙終宴  
有令以納袍降賜何以奉揚恩德因題此賦濫時來之

寵沐振長纓以祗肅奉性與之文章侍相娛之絲竹解  
女蘿之山帶佩流霞之羽服裁縫則萬壑縈體鍼鏤則  
千巖映目圖島嶼之削成寫淪漣之徑復埒符采于雕  
煥並芬芳于蘭菊憫四選之徂遷軫百慮之迴遘霜飛  
空而浸霧雁照月而猜弦聽風鐘之易近對水雷之疎  
懸若董衣之百結同衛服之十年嗟斑鬢之已颯愧冶  
袖之為妍謝銜珠之有報荷墜履之無捐

原賤晉劉謚之與天公賤曰體戰身噤脫衣凍坐賴詹

公借袍南越送火

增啟梁庾信謝趙王賚白羅袍袴啟曰程據上表空論  
雉頭王恭入雪虛稱鶴氅未有懸機巧綜變躡奇文鳳  
不去而恒飛花雖寒而不落披千金之暫暖棄百結之  
長寒永無黃葛之嗟方見青綾之重對天山之積雪尚  
得開襟冒廣樂之長風猶當揮汗白龜報主終自無期  
黃雀謝恩竟知何日 原陳周弘正謝東宮賜縠袍啟  
曰或傳名麗辭等質輕霧或色華少海用寶叢臺或粲

彼三英絳茲五絨品頒歲襲綠奪春耕蒿席可充緼袍  
易足

增議唐蕭嵩太子服絳紗袍議曰開元二十六年肅宗  
升為皇太子受冊太常所撰儀注有服絳紗袍之文太  
子以為與皇帝所服同因上表辭不敢當請有以易之  
玄宗令百官詳議嵩與裴耀卿等奏議之曰臣等謹按  
衣服令云皇太子具服有遠遊冠三梁加金附蟬九首  
施珠翠黑介幘髮纓綏犀簪一導絳紗袍白紗中單皐

領襦襖白裙襦方心曲領絳紗蔽膝革帶劍珮綬等謁  
廟還宮元日冬至朔日入朝釋奠則服之其絳紗袍則  
是冠衣之內一物之數與裙襦劍珮等無別至于貴賤  
之差尊卑之異則冠為首飾名制有殊并珠旒及衣裳  
采章之數多少有別自外不可事事差異亦有上下通  
服名制是同禮重則具服禮輕則從省今以至敬之情  
有所未敢衣服不可減省稱謂須更變名望所撰儀注  
不以絳紗袍為稱但稱為具服則尊卑有差謙光成德

謹議

朱衣一

增文獻通考曰皇太子舊有五時朝服自梁天監之後  
則衣服諸王朝服朱衣開國公侯伯子男並朝服紗朱  
衣直閣將軍諸殿主帥朱衣 又曰隋制后服四等其  
四曰朱衣以緋羅為之宴見賓客則服之 唐六典曰  
隋煬帝令牛弘等制皇后服祭及朝青衣朱服皆參准  
宋太始及梁陳故事 又曰侍御史大事則冠法冠衣

朱衣纁裳白紗中單以彈之 宋史輿服志曰開元禮  
導駕官並朱衣冠朱衣今朝服也

朱衣二

增墨子曰楚莊王絳衣博袍 東觀漢記曰光武起義  
衣絳單衣赤幘初伯升之起諸家子弟皆曰伯升殺我  
及見上絳衣大冠乃驚曰謹厚者亦復為之 原班彪  
奏事曰可選師傅將相子孫好學有行者以備絳衣舍  
人 語林曰何晏字平叔美姿容面絕白魏文帝疑其



傅粉夏月以熱餅噉之大汗出隨以朱衣自拭面色轉皎然帝始信之 增晉義熙起居注曰安帝自荊州至

新亭詔曰諸侍官戎行之時不備朱服悉令袴褶從也

宋元嘉起居注曰治書侍御史朱興啟彈朝請向騰之坐同僚會故員外散騎侍郎楊珍之喪侍兵唱變服然後唱衆官下陪位而騰之著單衣于朱衣上于禮有虧請免所居官詔可 齊書曰呂安國為右衛將軍給事中後改封湘鄉侯武帝即位累遷光祿大夫加散騎

常侍安國欣有官授謂其子曰汝後勿袴褶驅使單衣猶恨不稱當為朱衣也

朱衣三

增點頭

拭面

宋書曰歐陽修知貢舉每考卷坐後覺有朱衣人點頭然後其文入格

下詳

朱衣

見戲

被彈

梁書曰陳隨伯之入魏時元會胡綢戲為詩曰帽上著龍冠袴上著

二

朱衣不知是今是不知非昔非

下詳朱衣二

朱衣四

原朱衣縞帶

神異經曰西荒有一人不讀五經而意合不觀天文而心通不能禮拜而精當天賜

其衣男朱衣縞帶委貌冠  
女碧衣戴金勝皆無縫

朱衣玉質

詳朱衣五

### 朱衣五

原詩晉郭璞詩曰杞梓生南荆奇才應世出擢穎蓋漢陽鴻聲駭皇室遂應四科運朱衣耀玉質

### 中衣

增僭禮

禮記郊特牲曰繡黼丹朱中衣大夫之僭禮也

還錢

會稽典錄曰鄭弘為縣嗇夫民

有弟負兄錢未還嫂詣弘訴弘賣中單為叔還錢兄聞之慙遣婦齋錢還弘不受

原釋奠絳

緣徐野民車服注曰天子好禮釋奠中衣以絳緣緣其領袖又文獻通考曰梁制釋奠先聖有絳緣中衣

朝服皐緣

晉令曰朝服皐緣中單衣又通考曰梁制朝服有皐緣中衣

增絳緣

領袖

董巴漢輿服志曰祭宗廟立絳領袖為中衣絳袴又通考曰後漢永平二年初詔五岳四瀆山川

宗廟社稷諸秩祠皆絳緣領袖為中衣又曰梁天監三年何佟之議公卿以祭服裏有中衣即今中單也從漢從夏侯氏說祭服絳緣領袖為中衣絳袴襪示其赤心奉神也今中衣絳緣足有所明無俟于袴既非聖法謂不可施遂依議除之

皐緣領袖

魏官儀曰皐緣領袖中單

單衣一

增釋名曰單衣言無裏也

方言曰單衣江淮南楚之

間謂之袷闕之東西謂之單衣趙楚之間謂之左衣古

謂之深衣是也 應劭漢官儀曰謁者皆著細幘大冠

白絹單衣 文獻通考曰梁制拜陵則箋布單衣又有

白恰單衣以代古之疑縗 唐六典曰隋初皇后褱衣

有青紗內單 又曰隋煬帝令牛弘等制皇后服有素

衣內單 又曰天子拜陵之服白紗單衣 又曰凡百

官朝服陪祭朝會大事服絳紗單衣

## 單衣二

增漢書趙王彭祖為人巧佞持詭辨以中人每二千石

至彭祖衣阜布單衣自迎之 原東觀漢記曰光武起

義兵攻南陽暮聞冢上有哭聲後有人著大冠絳單衣

增後漢書曰陳留尹苞字延博與同郡范史雲善二

人俱貧出入共一單衣到人門外苞年長先著單衣前

入須臾出解與史雲 魏志曰明帝徵管寧為光祿勳

辭不就詔問青州刺史程喜寧守節高乎審疾疴頓邪

喜上言寧相著阜帽布襦袴而羣隨時單複出入閨庭

能自任杖不須扶持四時祭祀輒自力強改加衣服著

絮巾故在遼東所有白布單衣親薦餽饋跪拜成禮

王隱晉書曰桓溫廢東海王王著白紵單衣步下西堂  
羣臣拜辭莫不歔歔 又曰簡文初立于朝堂著平巾

幘單衣拜受璽綬 又曰王導因蘇峻平後帑藏空竭

庫中唯有練數十萬疋賣之不售而國用不足導患之  
與朝賢俱制練單衣于是士庶翕然倣服練遂貴端至  
一金 梁書曰劉雲靜母亡時天寒靜身衣單布衣廬  
于厝所晝夜哭不絕聲 又曰張稷為吳郡太守就僕

射徵道由吳鄉人候稷者滿水陸稷單衣輕裘徑還都  
下人莫之識

單衣三

原虎文

狐尾

董巴輿服志曰虎賁騎皆衣虎文單衣襄邑歲獻織成虎文梁冀別傳曰冀

作狐尾單衣上短下長

絳紈

增白越

班固與竇憲牋曰將軍賜以絳紈單衣以魯縞

之質被服驚鳳之彩飾

魏文帝列傳曰吳選曹令史

劉卓夢見一人以白越單衣與之曰汝著衫汙火浣便

潔也卓覺果有衫在側汙輒火浣之

有餘

可絕

孔融傳邊讓才辯俊逸孔融薦于魏武帝曰

邊讓為九州之被則不足為單衣襜褕則有餘燕太子丹傳曰荆軻左手把秦王袖右手砥其胃秦王謂曰



乞聽琴聲而死乃召姬人鼓琴  
琴聲曰羅縠單衣可掣而絕

原寬饒離地 甯戚

至骨

漢書曰蓋寬饒左遷為衛司馬未出殿門斷其單衣短令離地躬行卒廬三齊志畧曰齊桓公夜

迎客甯戚叩牛角歌曰短布單衣適至骨終朝飯牛至夜半

增與從子婿 為其

父市

世說曰王戎性儉為其從子婿與一單衣後更責之陳留耆舊傳曰吳祐為膠東相嗇夫孫性斂

富民錢五百為父市單衣父恐便以單衣詣門自謝祐以單衣與其父

單衣四

原紗縠

漢官儀曰虎賁中郎衣紗縠單衣又輿服志曰羽林左監著紗縠單衣又江充衣紗縠單

衣曲裾後垂

越布

後漢書曰陸績會稽人世為族姓祖父閎建武中為尚書令美姿貌喜著越布

單衣光武見而好之自是常敕會稽郡獻越布

紺單衣

冢墓記曰舜葬零陵

黃單衣

魏志曰車離國有大人長三丈餘鬚長三尺二寸白髮著黃單衣冠黃巾

增待

賓客

楊彪別傳曰魏文帝令彪著巾單衣待以賓客之禮

補車憶

王隱晉書曰梁孝王彤宣

帝子將單衣補車憶以此為清參軍王銓曰晏嬰大官稱清者以為待食七百家也公無此費宜美衣服使內外相稱形有慙色

競服生

搜神記曰永嘉已來士大夫競服生單衣識者怪之曰此古練纁之

布諸大夫所以服天子其後懷慙晏駕

得施絹

馬融遺令曰穿中除五時衣但得施絳絹單衣

赤布單衣

拾遺記曰漢末羽山之民獻赤布梁冀製為衣謂之單衣

黃絹單衣

趙書曰石勒參軍周承為館陶令斷官絹數百疋獄以八座議宥之後每設大會使俳兒著介幘黃絹單衣優

問曰汝何官答曰我本為館陶令斗藪單衣曰正坐取是故入汝輩以為笑本

單衣入室

仲長

統昌言曰薊子訓不知何郡人到陳公舍自云今日當死陳公與之一單衣著入室寢日中果死

單衣

滿市

神仙傳曰曹公欲殺左慈將出市忽失慈所在乃閉市索之傳曰一目眇著葛巾憤單衣正爾是俄

一市中數萬人皆眇一目著

原公孫制都布

後漢書曰馬援

葛巾憤單衣竟不知所取

為隗囂使公孫述述盛陳陞衛以延援入交拜禮畢使出就館更為援制都布單衣

梁冀作火

浣

傅子曰梁冀作火浣布單衣會賓客行酒而汚之偽怒解衣而燒之垢盡火滅粲然潔白

王隱

朝著作省

徐野民車服雜注曰元帝召陳郡王隱待詔著單衣絳幘朝于著作郎之省

禰

衡坐大營門

後漢禰衡傳曰孔融宣曹操意衡許往融見曹說衡狂疾今求得自謝操喜敕門者

有客便通衡乃著布單衣疎巾手持三尺桃杖坐大營門以杖箠地大罵吏白外有狂生坐于營門言語悖逆請收案罪操怒謂融曰禍衡孺子殺之猶雀鼠耳顧此人素有虛名遠近將謂孤不能容之今送與劉表視當何如于是遣八騎送之

帶一

增釋名曰帶帶也著于身如物帶也 說文曰帶紳也

男子鞶帶婦人絲帶象繫佩之形帶必有巾故從巾也

易曰或錫之鞶帶終朝三褫之 詩曰容兮遂兮垂

帶悸兮 又曰彼都人士垂帶而厲匪伊垂之帶則有

餘 又曰淑人君子其帶伊絲 禮記玉藻曰天子素

帶朱裏終辟諸侯素帶終辟大夫素帶辟垂士練帶率  
下辟居士錦帶弟子縞帶 又曰大夫大帶四寸雜帶

君朱綠大夫玄華士緇辟二寸再繚四寸 又曰革帶

博二寸 文獻通考曰革帶古之鞶帶也文武衆官牧

守丞令下及騶寺皆服之其有囊綬則以綴于革帶其

戎服則以皮絡帶代之 陳氏禮書曰古者革帶大帶

皆謂之鞶內則所謂男鞶革帶也春秋傳所謂鞶厲大

帶也易言鞶帶揚子言鞶帨以至許慎服虔杜預之徒皆以鞶為帶 晉書曰自公主封君以上皆帶綬以綵組為組帶 唐書曰天授二年改佩為魚龜其後三品以上龜袋飾以金四品以銀五品以銅中宗初罷龜帶復給以魚郡王賜玉亦佩金魚帶景龍中令特進佩魚又曰高宗咸亨三年敕五品以上賜新魚帶並飾以銀三品以上賜金裝刀子礪石一具上元中又敕文武官三品以金玉帶四品五品並金帶六品七品並銀帶

八品九品並瑜石帶庶人銅鐵帶文武並帶手巾算袋  
刀子礪石武官欲帶亦聽之九月百官具新服上宴于  
麟德殿 又曰景龍中詔衣紫者魚帶以金飾之衣緋  
者以銀飾之散職命魚 又曰開元中駙馬都尉從五  
品假紫金魚帶都督刺史品卑者假緋魚帶五品以上  
檢校試判官皆佩魚 又曰腰帶摺垂頭于下名曰鉞  
尾取順下之義一品二品鈐以金六品以上以犀九品  
以上銀庶人以鐵 唐六典曰天子乘馬之服有真珠

寶鈿帶 又曰平巾幘之服武官及衛官起梁帶 輿

服志曰唐因隋制天子常服有九還帶 程氏演繁露

曰韓退之詩不知官高卑玉帶垂金魚若從國朝言之  
則極品有不得兼者然唐制不爾也唐制五品以上皆  
金帶至三品則兼金玉帶通鑑明皇開元初敕百官所  
服帶三品以上聽飾以玉是退之之客皆三品之上亦  
足訖矣宋朝玉帶雖出特賜須得閤門闕子許服方敢  
用以朝謁則體益以重然唐裴晉公得特賜乃于闕玉



也暨病亟具表返諸上方其自占辭曰內府之珍先朝  
所賜既不合將歸地下又不敢留在人間謹以上進不  
知故事當進如隨身魚符之類邪抑晉公自以意初此  
舉也宋朝親王皆服玉帶元豐中初造玉魚賜嘉岐二  
王易去金魚不用自此遂為親王故事又前世所未有  
者 文獻通考曰宋腰帶之制恩賜有金毬路荔枝師  
蠻海捷寶藏金塗天王八仙犀牛寶瓶荔枝師蠻海捷  
雙鹿行虎窪面束帶之制有金荔枝師蠻戲童海捷犀

牛胡娑鳳子寶花金塗犀牛雙鹿野馬胡娑犀有上等次等以牯特為別太平興國七年正月翰林學士承旨李昉等奏曰奉詔詳定車服制度案禮部式飾以金玉之類蓋腰帶之制也今請從三品以上服玉帶四品以上服金帶以下升朝官雖未升朝已賜紫緋內職諸軍將校並服紅鞋金塗銀排方雖升朝著綠者公服上不得繫銀帶餘官服黑銀方團胯及犀角帶貢士及胥吏工商庶人服鐵角帶恩賜者不用此制荔枝帶本是內

出以賜將相在于庶僚豈可僭服望非恩賜者官至三品乃得服之景德三年詔出入內庭不許服假通犀帶大中祥符五年詔曰方團金帶優寵輔臣今文武庶官及伎術之流率以金銀倣效甚紊彛制自今除恩賜外悉禁之宋史輿服志曰端拱中詔作瑞草地毬路文方團胯帶副以金魚賜中書樞密院文臣又曰元豐五年詔三師三公宰相執政開府儀同三司節度使嘗任宰相者觀文殿學士以上金毬文方團帶佩魚觀文

殿學士至寶文閣直學士節度使御史大夫中丞六曹  
尚書侍郎散騎常侍御僊花帶 又曰大觀二年詔中

書舍人諫議大夫侍制殿中少監紅鞋犀帶不佩魚

揮麈餘話曰政和建艮岳靈壁縣貢一巨石高二十餘

丈舟載至京師毀水門樓以千人夫舁之不動祐陵親

灑宸翰云慶雲萬態竒峯仍以金帶一條掛其上石遂

可移 又通考曰紹興元年詔已給賜者不再賜遷除

合加魚袋者賜之三年詔侍從金帶于左藏庫闕借管

軍帶御器械朝謝武臣朝辭賜金帶並許繫宗室正任  
及殿庭供職橫行亦如之其花犀帶非宗室不許服經  
筵進講終篇講官賜金帶象簡鞍馬前宰執不帶職者  
同庶官復職者亦許繫笏頭毬文金帶 又曰乾道八

年詔中書舍人左右諫議大夫龍圖閣至敷文閣待制  
權侍郎服紅鞋排方黑犀帶仍佩魚 又曰淳熙三年

詔武臣知州軍官未陞朝者依文臣守倅借服色例權  
繫紅鞋角帶回日依舊 又曰宋慶元二年皇后受冊

寶排設逍遙平輦人員各一人有鍍金銀柘枝帶輦官  
二十七人有鍍金海捷帶 輿服志曰宋制天子服素  
大帶朱裏青羅四紳帶二 遼史志曰朝服臣僚繫鞞  
鞞帶以黃紅色條裏革為之用金玉水晶散石綴飾謂  
之盤紫 金史輿服志曰金人之常服其束帶曰吐鶻  
又曰大定二年制百官趨朝赴省並須裹帶 元史  
輿服志曰金涼帶一紅羅裏鏤金為之

帶二

原穆天子傳曰天子北征舍于珠澤珠澤獻白玉酒食  
天子賜黃金之環三十朱帶貝飾三十西征至赤烏氏  
赤烏氏先出自周宗乃賜赤烏之人貝帶五十 戰國  
策曰魯仲連謂田單曰將軍東有夜邑之奉西有菑上  
之娛黃金橫帶而騁乎淄澠之間有生之樂無死之心  
所以不勝者也 史記曰文帝遺匈奴黃金飾貝帶一  
黃金犀毘 增楚漢春秋曰北郭先生獻帶於淮陰侯  
曰牛為人任用力盡猶不置其革 東觀漢記曰楊賜

拜太常詔賜自所服冠幘綬玉兼革帶 原魏畧曰疎

勒王獻大秦赤石帶一枚 增又曰漢陽嘉三年疎勒

王獻海西青石金帶 三國典畧曰文帝賜劉楨廓落

帶其後將死欲取以為殉因與楨書曰夫物因人而貴

故在賤者之所不御至尊之側楨荅曰荆山之璞耀元

后之寶隨侯之珠燭衆女之妍南垠之金登窈窕之首

鯉鱣之尾綴侍臣之幘此皆伏朽壤之下潛汙泥之中

而揚光千載之上發采疇昔之外楨所帶無他妙飾若



實殊異尚可納也 原吳書曰陸遜破曹休于石亭上

脫御金校帶以賜遜又親以帶之為鈎絡帶 吳錄曰

鈎絡者革帶也 增吳時外國傳曰扶南人悉著鈎絡

帶 齊書曰張融形貌短醜精神清徹王敬則見融革

帶寬洽將至骹謂曰革帶太急融曰既非步吏急帶何

為 鄴中記曰石虎皇后女騎腰中著金環參鏤帶

後周書曰達奚武性貪為大司寇庫有萬釘寶帶取之

晉公護因以賜之 又曰隋文帝作相李穆曰周德既

哀愚智共悉天時若此豈能違天乃遣使謁文帝并上  
十三環金帶蓋天子服也以微申其意 李德林傳曰

隋開皇元年敕令德林與于翼高潁等同修律令賜九  
環金帶 唐書曰馬植進中書侍郎初左軍中尉馬元

贇為宣宗寵信賜通天犀帶而植素與元贇善元贇以  
賜帶遺之他日植對便殿帝識其帶以詰植植震恐具  
言狀于是罷為天平軍節度使 又曰唐張文瓘為并  
州參軍時長史李勣入朝文瓘與僚屬二人皆餞勣贈

二人佩刀玉帶而不及文瓘勸曰子無為嫌若某猶豫少決故贈以刀欲其果于決斷某放誕少檢故贈以帶俾其守約束子才無施不可焉用贈之 唐會要曰德

宗詔曰貞元之間頃來賜衣文綵不常非制也朕今思之宜有定制節度使宜以綏帶取其武毅以靖封內觀察使宜以雁銜威儀取其行列有序冀牧人有威儀也威儀瑞草也 撫言曰裴晉公質狀眇小相者曰郎君若不至貴即當餓死一日遊香山寺有婦人以父被罪

假得玉帶三犀帶一以賂津要置于欄楯忘收而去度  
得而授之後相者曰必有陰德及物前途萬里非某所  
知也 唐書曰裴度拜淮西宣慰招討處置使入對延

英曰主憂臣辱義在必死賊未授首臣無還期帝壯之  
為流涕及行帝賜通天御帶 又曰唐敬宗時南昌進

夜明犀製為寶帶光照百步 又曰鄭畋進司空賜以

犀帶 突厥傳曰唐天寶初賜拔悉密紫文袍金鈿帶

又曰統葉護可汗獻萬釘寶鈿金帶可汗拜蘇祿左

羽林大將軍賜銀袍鈿帶魚袋七事 五代史曰鳳翔

李永吉初朝京師蘇逢吉以永吉故秦王從曦子家世

王侯當有奇貨使人告永吉許以一州而求其先世玉

帶永吉以無為解逢吉乃使人市一玉帶直數千緡責

永吉償之既而不得州 又曰安重榮既僭侈以為金

魚帶不足貴刻玉為魚佩之 却掃編曰宋制執政以

上始服毬文帶佩魚侍從之臣止服遇仙帶世謂之橫

金元豐官制始詔六曹尚書翰林學士並服遇仙帶佩

魚故東坡謝翰林學士表曰寶帶重金佩元豐之新渥  
蓋謂是也然武臣節度使班翰林學士上六曹尚書下  
至今止橫金追拜太尉則毬文佩魚蓋恩禮親執政故  
也 揮塵錄曰宋韓佃夫使金國見金主所繫犀帶明  
透如圓鏡狀光彩絢目金主云此石晉少主歸獻邪律  
氏者唐世所寶日月帶也 老學菴筆記曰宋王介甫  
所賜玉帶號玉抱肚真宗時趙德明所貢也紹興中王  
氏猶藏之曾孫璫始復進入禁中 文獻通考曰宋神

宗熙寧六年收復熙河等州帝御紫宸殿宰臣王安石  
率羣臣稱賀上遂解所服玉帶賜焉 又曰熙寧八年  
岐王顥嘉王顥言蒙賜方團玉帶著為朝儀乞寶藏于  
家不敢服用帝不許命工別琢玉帶以賜之顥等固辭  
不聽請加佩金魚以別嫌詔以魚賜之親王佩玉魚自  
此始 又曰高宗紹興四年四川制置使京鏜因任賜  
金帶 又曰孝宗乾道三年姜誨以曹臣賜金遇仙花  
帶後權工部侍郎詔依本班服繫 又曰乾道八年詔

左諫議大夫姚憲嘗為侍郎賜金帶令依舊服繫著為例又曰寧宗淳熙元年幸玉津園燕射保信軍節度使鄭藻起居舍人王卿月等中的賜襲衣金帶

帶三

增黃銀

紅玉

唐杜如晦薨太宗賜房元齡黃銀帶曰如晦與公同輔朕今獨見公泣然流涕

曰世傳黃銀鬼神畏之更取為帶遣送其家明皇雜錄曰上自解紅玉帶以賜寧王

紫金

白玉

雜錄曰上以紫金帶賜岐王蓋昔高宗破高麗所得開元中高麗遣使來朝宴內殿因從容言于內

臣曰本國自亡此帶歲荒民散干戈屢起幸在內帑見足矣上聞之命封付其使又曰穆宗以白玉帶賜



楊元卿

星像

月影

續夷堅志曰韓魏公屏帶一片乃鹿街花已為奇絕至孝宗壽光中

以萬緡賂海商得屏一片乃南極老人星像尤為至寶龍江夢餘錄曰張九成蓄一屏帶中有月影遙望則

見其貴重通天屏之上也

得相

殺商

唐書曰王播自淮南還獻玉帶十有三遂得再

相九國志曰海商有鬻屏帶者直數百萬晝夜有光洞照一室楚馬希聲殺商而取之逾月光遂滅

辟塵

離水

李司封宗易言石駙馬寶吉知陳州其州廨一皆新之每毀舊屋則坐下風塵自分

去人皆驚怪蓋其所服帶乃辟塵屏也僧贊傳載曰江西鍾氏既滅子匡範歸武肅獻雲鶴通天離水屏帶

一云元宗御玩遺在西門門客獻鍾鍾常寶之武肅得帶賜錢二萬緡因登碧波亭命與許彥方擊楫而行水

開七尺許至瑞石山岸大為驚賞

茱萸

蓮花

六朝詩曰空結茱萸帶又曰蓮花帶緩

腰

芙蓉

蒲桃

又曰芙蓉帶分石榴  
又風捲蒲桃帶

金繞腰

玉

抱肚

白居易詩曰銀魚金帶  
繞腰光 下詳帶二

帶四

原朱帶

詳帶二

寶帶

荀勗荅王琛書曰陶丘神  
廟有鮮卑金頭寶帶二枚

玉帶

楚辭曰撫余珮兮綰紛紜高太息兮自  
憐注云持我玉帶相糾結也歎放也

貝帶

史記曰閭  
儒婉佞貴

幸與上卧起故惠帝時  
郎中皆貝帶傅脂粉

增韜帶

禮記士喪禮  
曰韜帶搢笏

原緇

帶

禮記士冠禮曰朝  
服緇帶注緇黑緇

增緩帶

晉羊祐在軍輕裘緩帶  
又唐諺曰一人在朝

百人緩帶一人  
貴而親友榮也

簪帶

晉傅元捧白簡整簪帶  
又詩曰簪帶奉鳴球

腰帶

唐詩曰百寶妝腰帶

襟帶

滕王閣序曰襟三江而帶五湖又曰限衣帶水

錦帶

詳帶

一又鮑明遠結客少年場行曰驄馬金絡頭錦帶佩吳鉤

羶帶

鮑昭擬古詩曰羶帶佩雙韃

革帶

詳帶一又應璩詩曰革帶新紵為履絢穿無底

韋帶

布衣韋帶

束帶

子曰赤也束帶立于朝又陶潛吏白應束帶見督郵淵明曰吾不能為五斗米折腰

飛帶

趙帶

飛參差燕裾合復離美人飾也

河帶

史記曰黃河如帶

山帶

廬山記曰廬山香爐峯有

氣若香烟天將雨白雲冠峯號山帶

書帶

漢鄭元教授山下生草如薤葉因名書帶草

博

帶

我冠博帶又廣雅云蟹雄曰狼嶺雌曰博帶

割玉

李賀詩曰密裝腰輕割方玉

縷

金

南詔衣縫紫錦屬縷金帶

合歡

六朝詩曰繡帶合歡結

連環

詩曰金帶連環束戰

袍

鎖蓮

夫瑯嬛記曰季女贈賢

女蘿

楚辭曰若有人兮山之阿被薜

荔分帶  
女蘿

萱草帶

晉石崇待客茶以驚雷英自奉以萱草帶

柘枝帶

詳帶一

遺元翼

唐李愬以玉帶遺牛元翼

獻從簡

其從簡陳州人許州富人有玉帶欲之而

不可得遣二卒夜入其家殺而取之卒夜踰垣隱木間見其夫婦相敬如賓二卒歎曰吾公欲奪其寶而害斯人吾必不免因躍出而告之

賜楊素

隋楊素傳曰上賜素以萬釘寶

帶

賜李靖

孔六帖曰李靖五代孫彥芳其家舊物有靖破蕭銑時所賜于蘭玉帶

唐

鎬賭帶

南唐近事曰嚴續相公歌姬唐鎬給事通天犀帶皆一代尤物因出姬帶呼盧唐采大勝乃酌

酒命美人歌一曲而別嚴遂悵然與之

李訓講易

杜陽編曰文宗朝李訓講周易頗協上意

時方盛夏遂命取水玉腰帶以賜之

### 封敎草制

唐封敎字碩夫雅為李德裕所器會昌初除翰

林學士德裕以平劉積功進太尉敎草制云謀與吾同言不他惑德裕解玉帶以贈之

### 解賜金

### 帶

五代康延孝以百騎奔莊宗莊宗解所御金帶賜之

### 不買玉帶

名臣遺事曰宋王文正公

旦有貨玉帶者持以及門旦弟因以呈公公曰何如弟曰甚佳公命弟繫之曰還見佳否弟曰繫之安得自見公曰玉名石也得不得不重乎自負重而使觀者稱好無乃勞也我腰間不稱此物亟還之故平生所服止于賜帶

### 原西域腰帶

魏畧曰文帝時西域來獻紫球腰帶

### 大秦絡帶

吳時外國傳曰

大秦國人皆著袴褶絡帶

### 增革帶移孔

梁沈休文約老病革帶移孔

### 原絡帶

### 在腰

述異記曰夏侯祖忻為兗州刺史喪于官沈僧榮代之祖忻見形詣僧榮沈牀上有織成寶飾絡帶

夏侯曰此帶殊好豈能見與沈曰甚善夏侯曰卿直許中不見關必以為施可命焚與沈對前燒視此帶已在夏侯腰矣

金剛鮮卑

東觀漢記曰鄭遵破匈奴于是上賜金剛鮮卑緹帶一具金銀帶各一

犀比金頭

班固與竇憲將軍牋曰復賜固犀比金頭帶曰將軍所自服也

增守城

縈帶

陳琳傳曰公輸般為高雲梯攻宋墨子見楚王曰請令般設攻宋之具臣請縈帶守之般九攻不能

入遂輟兵

鎮山留帶

佛印名了元饒州人時住金山寺東坡入方丈見之師云內翰何來此間

無坐處公云借和尚四大用作禪牀師云山僧有一轉語內翰言下即答當從所謂否則願留玉帶鎮山門東坡解帶置几上師云四大本空五蘊非有內翰欲十何處中公擬議未即答忽呼侍者收玉帶永鎮山門公笑而與之師取

笏頭金帶

宋仁宗皇祐二年賜致仕太子太傅杜衍少師任布襲衣

衲裙相報

笏頭金帶

方團金帶

同時王貽永同平章事李昭亮易昭德節皆賜方團金帶

請帶

弗與

魯昭元年晉樂王鮒欲求貨于叔孫使請帶焉弗與召使者裂裳帛而與之曰帶其褊矣言帶褊盡

裂裳示

束帶不休

唐崔元綜同平章事坐政事堂束帶終日不休偃

不相逆

帶五

原表晉王衍謝表曰蒙賜臣單衣紫綃金革帶臣謹佩

服終矢弗諼

增宋蘇軾謝賜對衣金帶馬表曰漢官

三服已分密麗之珍唐監八坊復下權奇之駿拜嘉甚


寵省已何功伏念臣受材迂疎賦命寒蹇幼師季路止

服緼袍長慕少游欲乘下澤目眩重金之耀神驚四牡  
之良俛仰自惟周章失次此蓋伏遇皇帝陛下憂勤黎  
庶寤寐雋賢故損廐車之儲以廣英雄之轂致茲孱陋  
亦被寵光臣敢不求稱于衷益鞭其後薄德盛服當戒  
維鵜之篇強力安邦庶幾有駸之頌

原啓梁劉孝儀謝晉安王賜銀裝絲帶啓曰雕鏤新奇  
織製精潔越中玉女不得關思上方名匠莫能議巧人  
情駭觀如見買臣之綬望貌移姿似逢子訓之術 增



周庾信謝趙王賚犀帶等啓曰奉教垂賚犀裝帶錢十貫魏君寶帶特賜劉楨趙王國租偏資裴楷貫藏文馬如燒安息之銀帶插通犀似獵雲南之獸北郭騷之長貧是所甘愜南宮敬之載寶殊非念望花開四照惟見其榮鼇載三山深知其重昔沈羲將盡逢司命而還生士燮行埋值仙人而更活今日慈矜斯之謂矣馬前驅而導路或以識恩難未曉而開關容能報主謹啓



御定淵鑑類函卷三百七十一

# 欽定四庫全書

子部

御定淵鑑類函卷三百七十二

詳校官鴻臚寺少卿臣梁景陽

主事臣祁韻士覆勘

總校官進士臣繆琪

校對官中書臣馮培

謄錄監生臣李鳳丹

欽定四庫全書

御定淵鑑類函卷三百七十二

服飾部三

紳 鞞 珮 玦  
環 笏 舄 靴

紳一

增禮記玉藻曰凡侍于君紳垂足如履齊 又曰紳長  
制士三尺有司二尺有五寸 子游曰參分帶下紳居  
二焉紳鞞結三齊

紳二

原書紳

論語曰子張書諸紳

增拖紳

又曰子疾君視之加朝服拖紳

垂紳

堂記曰垂紳播笏

原播紳

漢郊祀志曰播紳者不道謂播笏于大帶革帶之間

又難蜀文曰

搢紳先生之徒或云薦紳

增簪紳

詩云合宴替紳滿又曾鞮詩曰風義動替紳

纓紳

詩云濟濟盛纓紳

解紳

謝惠連雪賦曰褰佩而解紳

不紳

禮記曰麻者不紳注云紳

大帶喪代之

泉紳

韓愈詩曰泉紳拖修白石劍攢高青

天紳

又曰懸瀑垂天紳又孟

郊詩曰簪溜擲天紳

玉紳

落雨也

鞞紳

內則曰子事父母端鞞紳播笏

鞞一

增釋名曰鞞鞞所以蔽前也婦人蔽膝亦如之齊人謂

之巨巾田家婦人出至田野以覆其頭故因以為名也

又曰跪襜跪時襜然張也 爾雅曰衣蔽前謂之襜

禮記曰一命韞韍幽衡再命赤韍幽衡三命赤韍葱

衡 又曰韍君朱大夫素士爵韋園殺直天子直諸侯

前後方大夫前方後挫角士前後正韍下廣二尺上廣  
一尺長三尺其頸五寸肩革帶博二寸 又曰有虞氏

服韍鄭箋云冕服謂之韍他服謂之韍唐車服志云朝  
服謂之韍冕服謂之黻案韍或作黻帑紱同又作紱

原五經要義曰太古之時未有布帛食獸肉而衣其皮  
先知蔽前而未知蔽後 又曰韞者舜之所制也裳前  
之蔽也 又曰天子朱韞諸侯赤韞 白虎通曰紼者  
何謂也紼者蔽也行以蔽前者爾有事因以別尊卑彰  
有德也 增徐廣輿服儀注曰蔽膝古之韞也戰國連  
兵以韞非兵飾去之漢明帝復制韞 魏曹植求通親  
親表曰解朱組佩青紱 宋史輿服志曰韞從裳色上  
有紼下有純去上五寸繪以山龍火上接革帶繫之

## 韋二

原環濟要畧曰舜始作韋以尊祭服禹湯至周增以畫  
文增拾遺錄曰孔子生有麟吐玉書于闕里人家云  
水精之子繼商周而素王出故蒼龍繞室五星降庭徵  
在賢明知為神異乃以繡紱繫麟角而去夫子系殷湯  
水德而素王至敬王之末魯哀公二十四年魯人鉏商  
田于大澤得麟以示夫子知命之終抱麟解韋而涕泗  
焉漢書東方朔傳曰館陶公主迎武帝蔽膝登階



又曰王莽妻著布蔽膝見客 魏志曰武帝內誠令曰  
宮人位為貴人金印藍紱女人爵位之極 又曰文帝  
賜于禁以魏王時自所佩朱紱 吳志曰孫權潘夫人  
有娠夢人以龍頭授已以蔽膝受之生亮

韞三

原夏山

殷火

禮記明堂位曰夏山殷火周龍章取其仁火取其明龍取其變化

蔽

前在股

上詳韞一詩曰赤芾在股邪幅在下

韞四

原斯皇

詩曰朱芾斯皇家君王又服其命服朱芾斯皇

方來

易曰朱紱方來

增

困赤紱

又曰困于赤紱

垂朱紱

杜甫詩曰扶病垂朱紱

映白髮

白居易詩

曰晚遇何足言白髮映朱紱

還鈴閣

又曰便留朱紱還鈴閣

原君朱臣素

詳韞一

我韞子佩

莊子曰祝牧謂其妻曰天下無道我負子戴注謂隱

也藏

珮一

原釋名曰佩陪也言其非一物有陪貳也有珠有玉

說文曰佩從人凡聲也佩必有巾從巾 蔡謨毛詩疑

字議曰以為佩者服用之稱珮者玉器之名稱其服用

則字從人名其器則字從玉 增詩曰青青子佩悠悠

我思 又曰將翔將翔佩玉瓊琚 又曰彼留之子遺

我佩玖 又曰何以贈之瓊瑰玉佩 又曰童子佩觿

童子佩鞶 又曰巧笑之瑳佩玉之儺 又曰宛然左

辟佩其象揅 又曰鞞鞞佩璲不以其長

箋云璲瑞玉也

又

曰知子之來之雜佩以贈之知子之順之雜佩以問之

知子之好之雜佩以報之 周禮曰玉府掌王之金玉

玩好共王之服玉佩玉 原禮記曰古之君子必佩玉  
右徵角左宮羽趨以采齊行以肆夏周還中規折還中  
矩進則揖之退則揚之然後玉鏘鳴也故君子在車則  
聞鸞和之聲行則鳴佩玉是以非辟之心無自入也

又曰君在不佩玉左結佩右設佩居則設佩朝則結佩  
齊則綰結佩而爵韞 增又曰佩玉有衝牙君子無故  
玉不去身君子于玉比德焉 原又曰立則聲折垂佩  
主佩倚則臣佩垂主佩垂則臣佩委 增又曰男女未

冠笄者皆佩容臭昧爽而朝 楚辭曰長余佩之陸離

原又曰虛衣兮披披玉佩兮陸離 又曰何瓊珮之

偃蹇衆夢然而蔽之 增又涉江曰被明月兮佩寶璐

原白虎通曰所以明有佩者表意見所能故修道無

窮即佩環能大道德即佩琨能決嫌疑即佩玦是以見

其所佩即知其能故農夫亦佩其耒耜工匠佩其斧斤

婦人佩其針縷亦佩玉也 三禮圖曰凡玉佩上有雙

衡衡長五寸博一寸下有雙璜璜徑三寸衡牙瑱珠以

納其間上下為衡半璧為璜璜中橫以衝牙以蒼珠為  
瑤 增文獻通考陳氏禮書曰古之君子必佩玉其制  
上有折衡下有雙璜中有琚瑤下有衝牙貫之以組綬  
納之以蠙珠而其色有白蒼赤之辨其聲有角徵宮羽  
之應其象有仁智禮樂忠信道德之備此所以非辟之  
心無自入也 原魚豢魏畧曰有雙璜雙珩琚瑤衝牙  
琕珠為佩者漢明帝采古文始制 晉公卿禮秩曰特  
進佩水蒼玉尚書令僕射中書監令皆佩水蒼玉 增

晉宋舊事曰太皇太后崔鈕白玉佩 原搜神記曰元  
康中婦人飾五兵佩 增晉潘岳西征賦曰飛翠縷拖  
鳴玉出入禁門者衆矣想佩聲之遺響若鏗鏘之在耳  
齊書曰永明元年有司奏加貴妃金章紫綬淑妃于  
闐玉佩 隋書曰何稠參會古今多所改創從省之服  
初無佩綬稠曰此乃晦朔小朝之服安有人臣謁帝而  
除去印綬兼無佩玉之節乎乃加獸頭小綬及佩一隻

珮二

增穆天子傳曰七萃之士曰百姓瑤富何謀于樂天子

嘉之賜以左佩玉華

郭璞注云玉華之佩佩之精也

又曰天子渴于

沙中七萃之士高奔戎刺其左驂之頰取其清血而飲

天子天子美之乃賜奔戎珮玉一雙 原典畧曰孔子

返衛衛夫人南子使人謂之曰四方君子來者必見寡

小君孔子不得已見之夫人在錦帷中孔子北面稽首

夫人自帷中再拜環珮之聲璆然 增左傳曰晉獻公

使其太子申生伐東山臯落氏公衣之偏衣佩之金玦



狐寗歎曰佩衷之旗也金寒玦離何可恃也 禮記曰

石駘仲卒無適子有庶子六人卜所以為後者曰沐浴

佩玉則兆五人者皆沐浴佩玉石祁子曰孰有執親之

喪而沐浴佩玉者乎不沐浴佩玉石祁子兆 原鹽鐵

論曰子思銀佩 說苑曰經侯過魏太子左帶玉具劍

右帶環珮左光照右右光照左太子不視又不問經侯

曰魏國亦有寶乎太子曰主信臣忠百姓戴之此魏之

寶也經侯解劔佩委之趨而出上車去太子使騎操劔

珮與侯曰此寒不可衣飢不可食無遺我賊也 增又

曰襄成君始封之日衣翠衣帶玉珮至流水之上大夫  
莊辛見而悅之 拾遺錄曰燕昭王時西王母降與昭

王遊乎燧林之下說炎皇鑽火之術取永桂之膏然以  
照夜忽有飛蛾銜火狀如丹雀來拂桂膏之上此蛾出  
員丘之穴穴洞達于九天中有細珠流出可穿為結因  
用為珮 又曰漢昭帝穿林池廣千步植分枝荷狀如  
駢蓋日照則葉低陰若葵之衛足也名曰低光荷實如

玄珠可以飾佩 又曰漢成帝時乘輿服皆尚黑宮中  
美女服皂班姬以下皆玄綬髻珮 漢蔡邕輿服志曰  
孝明帝作蠙珠之佩以郊祀天地 晉令曰皇太子妃  
珮瑜玉諸王郡公太宰太傅太保司空諸長公主諸王  
世子大司馬大將軍太尉珮玄玉 鄴中記曰石虎出  
行有女鼓吹尚書官屬皆著錦袴佩玉 唐書曰憲宗  
懿安皇后郭氏穆宗嗣位上尊號皇太后凡朔望三朝  
帝率百官詣宮門為壽或歲時慶問燕饗後宮戚里內

外婦車騎駢壅環珮之聲滿宮

珮三

原蠙珠

象環

俱詳珮一

紉蘭

連蕙

楚辭曰紉秋蘭以爲佩王逸注紉索

也又曰連蕙若以爲佩過絕肆而失香

捨玦

解環

孔叢子曰子產死鄭人丈夫捨玦珮

婦人捨珠玉劉向列女傳曰齊桓公行霸諸侯朝之衛獨不至公謀伐衛衛姬脫簪珥解環珮再拜請衛之

罪公悅許諾

增五星

原六氣

五星佩道士服也六朝詩曰佩帶五星連傳玄大

言賦曰腰佩六氣首戴天文

俘商

獻楚

周書曰武王俘商得佩玉億有八萬左傳曰

蔡昭侯爲兩珮如楚以一珮獻昭王子常乃得歸

雙渠璜

六火玉

董巴漢輿服志曰孝明帝詔有司采周官禮記尚書皋陶篇衣裳玉佩備章采其大佩則銜牙

雙渠璜皆以白玉漢武帝內傳曰上元夫人帶六出火玉之珮

遺澧浦 解江濱

楚辭曰捐余玦兮江中遺余珮兮澧浦列仙傳曰江濱二女者不知何許人步漢江濱逢鄭交甫挑之不知

神人女遂解珮與之交甫悅受珮而去數十步空懷無珮女亦不見

無所繫 尚可比

左傳曰吳申叔儀乞糧于公孫有山氏曰珮玉繫兮余無所繫之溫潤之德尚可比焉 連日月

增乞飛霞

曹植與陳琳書曰帶蛇虹以為紳連日月以為珮韓愈詩曰乞君飛霞珮與我高

頽頽

珮四

原左佩

內則曰子事父母左佩紛帨

右佩

又曰子右佩玦捍管

帶大鵠木燧婦佩箴管線纈施繫袞大鵠木燧

章德

董巴與服志曰古者君臣佩玉尊卑有度佩以

章德

為度

大戴禮曰上車以和鸞為節下車以珮玉為度上有雙衡下有雙璜銜牙珌以納其間璜

珌璜也

衷旗

詳珮二衷中

禮容

昭聲也昭其聲

用之聲

制容

文選佩以制容

有聲

容觀玉聲

不變

行不

鏘

鳴一

掩轉

楚辭曰佩纈紛其掩轉遂委絕而離異

增幽佩

杜甫詩曰楚宮

久已藏幽

趨佩

柳宗元詩曰趨佩響切晨趨佩

襍佩

詩曰襍佩亦銷鑠

劍

佩

漢史曰單于來朝賜以玉具劍佩

紳佩

纓綏之徒紳佩之士皆儒學也

纓佩

文選

曰纓佩  
空為忝

落佩

杜牧賦曰倒冠落  
佩兮與世濶踈

瘞佩

柳宗元弔屈  
原文曰沈璜

瘞佩兮孰  
幽而不光

佩犢

漢龔遂守渤海使民賣  
買犢曰帶劔佩刀何如帶牛佩犢

佩魚

服飾總論唐之綬  
有佩龜佩魚之制

草承

杜甫詩曰官草  
霏霏承委佩

花

迎

岑參詩曰花迎  
劍佩星初落

佩豹豚

史曰子路性勇  
冠雄雞難佩豹豚

佩霹靂

孔六帖曰唐玄宗欲廢皇后王氏后兄守之懼為求厭  
勝浮屠明悟教祭北斗取霹靂木刻天地文及帝諱佩

之

佩韋絃

范丹字史雲董安于性緩佩絃以自急西  
門豹性急佩韋以自緩范亦以捐急佩韋

戒以自

佩安危

李晟傳曰  
身佩安危

佩采瓊

尚書舊傳曰淑妃  
修媛修華修容嬈

好佩采瓊玉貴  
人佩于闐玉

垂蒼玉

韓愈詩曰帶  
垂蒼玉佩

佩聲隨

杜甫  
詩曰

玉佩聲隨  
玉墀步

佩聲歸

王維詩曰佩聲歸到鳳池頭

蘇秦佩

蘇秦為從約長

并相六國歎曰使我有洛陽負郭田二頃吾豈能佩六國相印乎

酈生佩

漢王納酈食其之言

欲立六國後曰趣刻印先生因行佩之

原流景揚輝

曹植七啓曰佩則結綵懸黎寶之微

妙符彩昭爛流景揚輝

光潤清越

殷仲堪與湘王牋曰所致玉佩光潤清越可謂瓊琚也

解佩要之

曹植洛神賦曰願誠素以先達兮解玉佩以要之

解佩結言

楚辭

曰璫吾遊此春宮兮折瓊枝以繼珮及榮華之未落兮相下女之可詒吾令豐隆乘雲兮求宓妃之所在解佩纓以結言兮吾令蹇修以為理

王粲識珮

摯虞決疑注曰漢末喪亂無玉珮王粲識舊珮始作

之今玉珮皆受法于粲也

石崇雕珮

王子年拾遺記曰石崇使翔風雕玉為倒龍之珮



增佩聲珊珊

杜甫贈鄭駙馬詩曰  
時聞雜佩聲珊珊

佩玉將將

音鏘詩  
曰將將

將將佩  
玉將將

原佩服無斃

揖讓有聲

先王有制所以

比德 君子無故乃不去身

珮五

增賦唐胡運珮賦曰玉有環珮所以節威儀珪璋所以  
應朝覲朝覲貴乎特達威儀在乎淑慎則珮之為用以  
德聞珮之為服以禮進既取堅以縝密亦體柔以溫潤  
其彩炯明涵黼黻之華其聲清越諧金石之韻豈止法

先王之服戒乎大夫抑以觀古人之象原之帝舜由是  
表尊卑之飾彰朝覲之美佩山玄而抱水蒼搖搖兮耿  
光左宮羽而右徵角鏘鏘兮垂委非徒抑其進退亦以  
制其容止珩珪相煥品命不渝貫以桃花之綬錯以明  
月之珠時也朝北極歷天衢明玉殿耀金鋪徽音生于  
矩步繁響起于風趨濟翼為君臣之榮觀逶迤乃賢哲  
之令圖亦何必褰修蘭于長坂折瓊枝于遠區然後為  
美乎別有楚臺神媛越國名姝嬌羅艷縠秀色鮮膚振

鳴玉以亮響踐瑤階以踟躕聲珊珊兮若有無睇綿綿  
兮意愉愉翩躚躚兮望坐隅欲從君子禮之拘乃歌曰  
佩玉蕊兮德音發中規矩兮聲不歇馳畋獵兮思敬慎  
壽考不忘兮長歲月端法服兮臨魏闕羣后覲兮萬方  
謁 麻不期佩賦曰夫聖人彰德以建物表意以與名  
禮容孔備制度昭明衣冠振序簪紱齊榮亦茲佩之為  
用隨劒履而揚聲觀其所興爰自古昔玉華既重于周  
后蠙珠亦珍于漢辟蓋將以威儀節度知無不易豈徒

矜珠玉之芳聲喧步頓之前跡懿其符彩照燭流曜輝  
光宮徵合韻左右鏗鏘此亦邦國之儀範為衣裳之典  
章于是垂為臣倚為主式標上下動合規矩亦非獨洛  
妃解贈于陳思漢女見投于交甫爾其幽人所重君子  
攸資則蘭蕊馳馨于楚客象環騰譽于宣尼斯偶物昇  
榮助荷衣之葱翠因時適用陪藻服之歲蕤既而天子會朝  
臣御華闕冠蓋星羅簪裾雲發公侯進退而為容卿士俛仰  
而趨謁茲珮也幸朝儀不棄流響未歇既連帶于虹蜺

庶傳名于日月

衝牙賦

闕名

佩必有節牙惟應聲既熠

熠以光動始鏘鏘而韻清馳聲曲折之間窅爾乃激方

隨步武之際跳然若驚嘉其琢自良工飾于君子冀靜

聞而中矩每徐轉而知止乍旁達以散遷忽高飄而間

起比于德寧無故以去身習乎容諒和鳴而入耳是知

宮徵交應周旋必聞助清音而靡絕混真質以纔分將

觀其禮朝于君假抑揚而有耀俟動靜以成文故乃藉

此相攻彰夫必佩窅爾同聲服而非礙顧規模之可則

宛在其中聽寥亮之無差不離于內則知俯仰寧阻進  
退皆由引異響而非往配禮容而必周虛徐互振寂寞  
相求洞晨照而彌徹驚微風而更幽原夫製彼奇形韻  
茲良玉雖杳杳以將盡竟遲遲而潛續澹以成章靜而  
應曲重輕莫雜恒宛轉而下垂左右皆調每玲瓏而中  
觸由是孤光屢進片影彌輕駐幽音而乍默佩逸勢而  
俄成方將應組綬厠瑤瓊應疾徐而洞徹順激射以鏘  
鳴故其悄以分音玲然自我當待扣而逾寂匪輕搖而

孰可豈不以佩服紛綸威儀衆夥徵衡牙之微旨然後  
知古禮之不墮 裴度古君子佩玉賦伊君子兮何師  
邈淳古而繹思儼然有章相威儀于樂只溫其如玉故  
切磋而佩之縝密是比貞明所資追琢斯成既殊張氏  
之印清美可羨寧匹孔侯之龜是用濯自丹水取諸玄  
圃君求美質我則表溫潤于光容臣聽好音我則動淒  
清于步武結以紳帶綴以環組使感之者在約而思純  
服之者居今而行古豈比夫詩人無文贈雜佩兮夫君

騷人著美紉幽蘭兮之子是以嘉其抱素貴以合真想  
見白虹之氣思聞清越之聲發凝輝兮既昭我述鏘雅  
韻兮必俟君行是以敬慎侯度獨高人情至若斲以為  
壺徒玩其質執而為璧徒旌其秩豈若用之有方垂之  
無必威儀棣棣居則粲然之光進退瑒瑒動則泠然之  
律是以古之君子物有其章溫恭可象環珮其鏘既覩  
容而生敬諒播往以傳芳然則貞玉之質非賢無以服  
用昔賢之佩非玉無以表彰故佩斯敬覩斯莊方今野



無遺賢山不藏玉彼華佩兮同昔時以入用彼君子兮  
思古人以自勗故能振休風播淳俗則今日之佩玉昔  
賢之高躅者也

原銘後漢崔瑗遺葛龔佩銘曰禹湯罪已仲尼多誨盤  
盂有銘几杖有誠天為剛德猶不干時君子妄怒厥亦  
生灾晉厲好虐樂書作亂荀瑶峻戾韓魏致難慷慨憤  
激動腸傷氣久生百疾歷年不遂俯覽斯佩桑韋是貴  
原啓齊褚彥回謝賜珮啓曰傳詔宣敕賜臣玉佩一具

製懋姬嬴寶冠荆越璇瑰鎮曜珩玦凝華采賁蓬楹響  
聞繩戶佩服載驚心容交惕 梁簡文帝謝敕賜玉佩  
啟曰昉田麗彩槐水鏤文飾以金闕之珠製以魯班之  
巧故以裾端照色影外生光恩發內府猥垂露賜臣方  
溫謝德比振慙聲

玦一

增說文曰玦玉珮也珮如環而有缺故云玦也 原隨  
巢子曰召人以環絕人以玦 增晉書曰自公主封君

以上皆帶綬以綵組為緄帶金辟邪首為帶玦

玦二

原瑞應圖曰舜時西王母獻白環及玦 左傳曰狄人伐衛將戰衛懿公與石祁子玦與甯莊子矢使守曰子以此贊國擇利而為之 漢紀曰項羽與沛公飲鴻門范增數目羽舉所佩玉玦示之者三羽默然 增西京雜記曰趙飛燕為皇后女弟昭儀遺玉珊瑚玦 後漢書曰更始謀殺光武兄伯升乃會諸侯以成其計繡衣

御史中徒建隨獻玉玦更始竟不能殺 續漢書曰桓

帝永興二年光祿勳史舍壁下有青氣視之得玉鉤玦

各一 原漢末傳云先主既取成都大會作樂乃取劉

璋所藏金玉寶玦以賜功臣 魏畧曰太祖征漢中太

子在盟津聞鍾繇有玉玦使臨淄侯因人說之繇即送

焉 增魏氏春秋曰明帝時張掖郡金山元川溢涌寶

石負圖有玉匣開蓋上有玉玦二橫一 孟達與諸葛

亮書曰今送綸帽玉玦各一以徵意焉 蕭子顯齊書

曰太祖在淮陰治城得錫玦下有篆字人莫識紀僧真曰何須辨文此自久遠之物即九錫之徵也太祖曰卿勿妄言北齊書曰樂陵王百年被召自知不免割帶玦與妃斛律氏武成果斬之妃把玦哀號月餘亦死玦猶在手拳不可開時年十四杜陽編曰唐文宗宮中有黃金蛇出階光灼宮人以珊瑚玦下之并玦而帶去上尋庫得真金蛇貫玦上曰此隋煬帝為晉王賜陳夫人者熟視下有阿麼字

### 玦三

原佩金

賜玉

左傳曰晉太子申生帥師晉侯佩之金玦狐突曰金寒玦離胡可恃也平夷曰

金玦不復雖復何為君有心矣東觀漢記曰明帝詔曰馮魴以忠孝典兵出入八年數進忠言正諫其還故

爵為楊邑侯

賜以玉玦

決嫌疑

決狐疑

白虎通曰凡能決嫌疑者即佩玦故見所

佩玦即知其所能王隱晉書曰禮能使決疑者佩玦故遺其臣亦授之以玦晉受命有二玦其一當魏歷數既終當禪大晉故與之玦凡受命居天子之位皆衆人之所疑以武皇帝能斷決狐疑應天順人受曹氏禪而無疑得應佩玦故以賜焉是以有二玦

### 玦四

增清玉

杜甫詩曰清玉刻佩連玦環

珊瑚

又曰腰間寶玦青珊瑚

捐玦

護太

尉表曰既望汨以懷沙甘赴湘而捐玦又楚辭曰捐余玦兮江中

似玦

韋應物詩曰荆山之白玉

今良工雕琢雙環連月蝕中央鏡心穿故人贈妾初相結思在環中尋不絕人情厚薄苦湏臾昔似連環今似玦

思帝鄉

劉禹錫賦曰侯環玦兮思帝鄉

視徘徊

視環玦以徘徊空嗟白首

紫玉玦

蘇軾詩曰空煩赤泥印遠選紫玉玦茶也

烏玉玦

又曰遠致烏玉玦墨也

原佩玦而斷

莊子曰綬佩玦者事至而斷

與玦即去

大夫得罪待放于郊公與

之環即還與之玦即去又曰逐臣賜環則反賜玦則絕

玦五

原賦魏文帝玉玦賦曰有崑山之妙璞產層城之峻崖  
漱丹水之炎波蔭瑤樹之玄枝包黃中之純氣抱虛靜  
而無為應九德之淑懿體五材之表儀

原書魏文帝與鍾繇書曰南陽宋惠叔稱君侯昔有美  
玦聞之驚喜笑與朴會當自白書恐傳言未審是以令  
舍弟子建因荀仲茂時從容喻鄙旨乃不忽遺鄴騎既  
到寶玦初至捧匣跪發五內震駭繩窮匣開爛然滿目  
猥以蒙鄙之姿得觀希世之寶不須一介之使不損連



城之價既有秦昭章臺之觀而無蘭生詭奪之誑嘉貺  
並腆敢不欽承

環一

增說文曰好倍肉謂之瑗肉好若一謂之環 莊子內  
篇曰彼是莫得其偶謂之道樞樞得其環中以應無窮  
毛傳曰后妃羣妾以禮御于君所女史書其日月授  
之環以進退之生子月辰以金環退之當御者以銀環  
進之著于左手既御著于右手 白虎通曰修道無窮

即佩環也 晉左思蜀都賦曰其中則有青珠黃環

環二

增王子年拾遺記曰顓頊時北海之濱有勒題國皆衣  
毛無翼而飛帝乃更衣以文豹為飾獻墨環色如淳漆  
左傳曰穆叔之子仲壬與公御萊書觀于公公與之  
環使豎牛入示之入不示出命佩之 原春秋後語曰  
秦始皇聞齊王后賢嘗使遺之連環曰齊人多知能解  
此乎后以羣臣莫能解乃引椎破之謝秦使曰謹以解

矣以報始皇壯其志並不敢謀齊 增西京雜記曰戚

姬以百鍊金為彊環照見指骨上惡之以賜侍兒鳴玉

耀光等各四枚 又曰趙飛燕為皇后其女弟合德上

五色文玉環 宋書曰江夏王義恭孝武即位以在藩

所服玉環大綬賜之 梁書曰柳惔武帝之鎮襄陽惔

祖道帝解玉環賜之天監二年元會帝謂曰卿佩玉環

是新亭所贈邪對曰既瑞感神衷臣謹服之無數 唐

史高力士幼失母及貴得之嶺南母曰胷有七黑子在

否力士袒示之母出金環曰兒所服者乃相持慟哭

### 環三

原反絕

解連

荀子曰聘人以珪問士以璧召人以玦反絕以環下詳環

必佩

當還

列女傳曰后妃進退必鳴玉佩環樂府曰何時大刀頭注刀頭有環問何時當還

也

王母獻

叔子探

瑞應圖曰黃帝時西王母乘白鹿來獻白環舜時復來獻白環

及益地圖 羊祜五歲令乳母取所弄金環母曰汝無此祐即詣鄰人李氏東垣桑木中探得之主人驚曰此吾亡兒所失物也

### 環四

原象環

禮孔子去魯佩象環五寸注象牙有文理言似已有文章也五寸法五行環者取其循環似已

德之無窮也

玉環

左傳曰晉韓宣子有玉環其一在鄭商宣子謁諸鄭伯子產弗與

增

佩環

經解曰行則有佩環之聲

賜環

黃庭堅詩曰黃州逐客未賜環

原重環

詩

盧重環以環帶犬也

增三環

地理志曰有妓姬號汴州婆有數妓每召飲與以三環

綫

環

食貨志曰唐高祖入長安民間行綫環錢輕小凡八九萬才滿半斛綫與線同

綫環

顏淡傳宋

泰始中通私鑄而錢大壞一貫長三寸謂之綫環錢入水不沉

阿環

上人

玉環

貴揚

妃小字

瘠環

齊侍人

瑤環

韓愈馬君墓誌曰瑤環瑜珥稱其家兒也

原雀

銜環

後漢楊寶七歲行于華山見一黃雀被傷為螻蟻所侵寶見之而憐因將歸置箱中采黃蕊飼之經

旬瘡愈旦來暮去忽一朝變為黃衣少年銜玉環一  
雙來報寶曰好掌此環子孫累代為三公果如其言

**增猿獻環**

孫恪妻袁氏偕至端州峽山寺持碧玉環獻老僧化為猿去

**海九環**

廣博

物志曰中國者天下八十分之一有海環之者九謂之九環

**月半環**

韓渥詩曰月若半環雲若

土

**華胥環**

瑯嬛記曰李女贈賢夫以瑪瑙宛轉環丹山白水宛然在焉握之而寢則夢入其中

始入甚小漸進漸大有名山大川之勝異木奇禽宮室璀璨心有所思隨念輒見因名曰華胥寶環

**玉**

**指環**

雲溪友議曰韋臯遊江夏與青衣玉蕭有情約七年再會留玉指環逾八年不至玉蕭絕食而歿後

得一歌姬真如玉蕭中指有肉隱出如玉環

**環五**

增賦唐錢起象環賦曰聖有制作人具爾瞻是環也用  
之撝謙成乎其規故有典有則全乎其素故匪雕匪刻  
動法天旋溫如玉色可以觀象見意可以取文昭德終  
日佩之其儀不忒懿夫員通既固雅麗且殊皓質中澈  
騰光外敷守其明也處暗室而不昧偕其道也映素服  
而如無鄙南容之珪貞而猶玷嗤卞氏之璧瑾而不瑜  
升諸組綬不亦宜乎或有黃雀酬恩鄭商所利其名則  
一其宜則異皆浮俗之所珍乃老氏之遐棄寧若斯為

美也將君子而比義文而不華垂之如墜循環無極參  
日月之在躬佩服有常如韋弦而戒事固知宣尼之旨  
有要有倫于此表禮創物乃將卑服謙身是以成形而  
不受其彩散璞而不失其真澄爾情性潔白惟純導爾  
情性貞明日新捨之則禮容若缺用之則法度是循物  
既合權古稱其善常虛心以隨運雖匪石而可轉覩妙  
用之昭宣知前捨之舒卷 沈仲象環賦曰佩服之設  
惟德是瞻夫子之服素而博夫子之德稱而廉式制象



以表諸儉豈無玉兮體乎謙謙而伊何服用有則捨寶  
佩庶以彰其無位制象環寔亦明其讓德匪玉兮匪金  
是雕兮是刻取其焚身之齒奮其截肪之色磨而不磷  
湏而不黑相彼玦兮謂其玦之有離制此環兮體其環  
之不極因良工以表器奉聖人以聘國苟炯戒之斯存  
曷威儀之有忒于是不師爾制爰始我謀錯落增色晶  
明克殊寫金規于顧兔掩素彩之隋珠崇其五寸之範  
輝彼十圍之軀貴其文兮我則文而能潔謂其曲也我

則曲而不踰既圓體以就滿亦虛中而應無服為身表  
環為佩器若禮義之相須豈周旋之暫墜將以體象其  
法理亦以循環乎志意雜章甫以為飾騰組綬以生輝  
蔚禮經以留規掩水蒼之故事明夫素王立範象豈因  
循必使動容有則箴規合倫得禮容之不選著盛德之  
日新環之質兮取其終始罔極象之齒也取其堅白可  
珍體夫子之列聘周流似夫子之從時屈伸象環之制  
兮其義不淺謙撓之旨兮因斯而闡道崇受物用能寬

而有容理貴適時體如丸而任轉忝明試以効拙敢獻賦而旌善

笏一

原笏手板也釋名曰笏忽也君有教命及所啟白則書其上脩忽忘也或曰笏可以簿一物 禮記曰笏天子

以球玉諸侯以象大夫以魚須文竹士竹本象可也

美球

玉也文飾也大夫以近尊而屈故飾竹以魚須士以遠尊而伸故飾竹本以象

又曰天子搢

珽方正于天下也諸侯荼前詘後直讓于天子也大夫

前詘後詘無所不讓也 又曰凡有指畫于君前用笏

造受命于君前則書于笏笏畢用也因飾焉笏度二尺

有六寸其中博三寸其殺六分而去一

中廣三寸凡笏皆然諸侯從中

殺至上首止廣二寸半大夫又從中殺至下亦廣二寸半是六分三寸而去其一也

大戴禮曰

天子御珽諸侯御荼大夫服笏 增五經要義曰天子

之笏謂之珽然無所屈也 原三禮圖曰士笏飾以象

骨大夫飾以魚須

鮫魚髮

輿服雜事曰古者貴賤皆執

圭書君上之政令有事則播之于腰帶中五代以來惟

八座尚書執笏者白筆綴手板頭以紫囊裹之其餘王公卿士但執手板板主于敬不執笏示非記事官也

增管子曰天子執玉笏以朝日 文獻通考曰珽天子

之笏長尺二寸方而不折以球玉為之笏度二尺有六寸中博三寸其殺六分去一晉宋以來謂之手板此乃不經今還謂之笏以法古名自西魏以降五品已上通用象牙六品以下兼用竹木 又曰開元八年敕諸笏三品已上前誦後直五品已上前誦後挫並用象九品

以上任用竹木上挫下方聽依品爵執笏假板官者亦依此例 常朝錄曰唐會昌以來宰相朝則有笏架入禁中逐門傳送至殿前朝罷則置于架上百僚則各有笏囊吏持之 宋史輿服志曰哲宗元祐元年禮部言元豐新禮皇帝祀天播大圭其制圓首前詘于禮未合今欲倣西魏隋唐玉笏之制方而不折上下皆博三寸長尺二寸其厚以鎮圭為約從之 又通考曰宋大觀中詳定儀注所言者及羣臣助祭本無執玉帛羔雁之

義故雖冕服但當執笏玉藻曰見于天子與射無說笏入太廟脫笏非古也說者以為太廟之中唯君當事說笏非是請羣臣冕助祭執笏當事則搢其陪位官亦合冕服執笏從之

笏二

增周書曰武王不閉外門以示無懼去劔搢笏以示無仇原穆天子傳曰天子大服冕褱帔帶搢笏夾佩奉璧南面立于寒下受河宗注帔韞也笏音笏搢猶帶也

夾佩左右兩佩 增後漢書曰陳蕃為光祿勳范滂為主事以公儀詣蕃執板入閣至坐不奪滂投板振衣而去郭泰責蕃曰以階級言滂宜有敬以類數推之至閣宜省 江表傳曰漢獻帝嘗見郝慮及少府孔融問融曰鴻豫何所優長融曰可與適道未可與權慮舉笏曰融昔宰北海政散民流其權安在遂與融互相長短原又曰孫權既即尊位會請百官歸功周瑜張昭舉笏欲褒贊功德未及言權曰如張公之計今已乞食矣昭



大慙伏地流汗 增郡國志曰晉明帝為太子時嘗戲  
殿前以玉手板弄銅蟠螭口手傾溜入螭腹中不能出  
人後見一白鼠出入螭口 宋書曰庾道愍尤精相板  
宋明帝時山陽王休祐屢以言語忤顏見道愍託以已  
板為他物令道愍占之道愍曰此乃甚貴然使人多憎  
忤祐以褚彥回詳密求換其板他日彥回侍明帝自稱  
下官帝甚不悅祐具以言狀帝意乃解 又曰慕容瑜  
之在西州時有一手板相者云當貴每以此言動帝又

圖黃門郎帝嘗問之曰西州時手板何在珍之曰此是黃門手板官何須問帝大笑齊書曰豫章王嶷薨見形于第後園垂腰輿指麾處分呼直兵直兵無手板左右授一玉手板與之謂曰橘樹一株死可覓補之因出後園閣直兵倒地仍失手板宋書曰明帝起事諸方並舉兵帝與蔡興宗言曰頃日人情言何事當濟否興宗曰今米甚豐賤而人情更安以此籌之清蕩可必但臣之所憂更在事後猶羊公言既平之後方當勞聖慮

耳尚書褚彥回以手板築興宗不已上曰如卿言 又  
曰建平王宏文帝子也元凶劼弑立孝武入討劼宏在  
殿內自拔莫由孝武先嘗以一手板與宏宏遣左右親  
信周法道賁手板詣孝武事平以為尚書左僕射 北  
齊書曰爾朱榮既誅得其手板上有數牒啓皆左右去  
留人名非其腹心在出限帝曰豎子若過今日便不可  
制矣 又曰文襄疑文宣佯愚慮其有後變將陰圖之  
以問崔暹暹曰嘗與二郎俱在行位試以手板拍其背

而不瞋乃將犀手板換暹竹者自揩拭而玩視之以是知其實癡不足慮也後帝鑠暹責其往昔打背暹自陳所對文襄之言以功求贖死帝悟曰我免禍乃暹之力釋而勞之唐書曰常達歸賊薛舉奴張貴曰識我否達瞑目曰若乃奴耳貴忿舉笏擊其面達不為懾又

曰唐高宗欲立武昭儀褚遂良諫不從置笏殿階曰還陛下此笏乃解巾叩頭流血又曰宋璟告滿入朝公卿以次謁見張易之等後至促步而附璟舉笏却揖唯

唯 又曰張九齡體弱故事公卿皆搢笏于帶而後乘馬九齡獨常使人持之因設為笏囊自九齡始 又曰唐崔琳每歲時宴于家以一榻置笏重積其上 又曰王播善口奏雖數十事未嘗書于笏 又曰朱泚召段秀實議事源休姚令言皆在坐秀實戎服與休並語至僭位勃然起執休腕奪其象笏而前唾泚面大罵曰狂賊可磔萬段吾豈從汝反邪遂擊之泚舉臂捍笏中顙流血 又曰裴延齡方橫無敢忤者嘗與顧少連會田

鎬第酒酣少連捉笏曰段秀實以笏擊賊臣今我以笏  
擊姦臣奮且前元友直在坐勸解之 又曰魏謩文宗  
時為起居舍人上謂之曰卿家有何舊書詔對曰比多  
失墜惟簪笏獨存令進之鄭覃曰在人不在笏上曰覃  
不解我意此乃甘棠之義非在笏而已 又曰崔元亮  
改諫議大夫鄭注誣宋申錫捕逮倉卒內外震駭元亮  
率諫官叩延英苦諫反覆數百言文宗未諭元亮置笏  
在陛俯伏流涕 又曰李絳面論吐突承璀用兵無功

合從顯責又言承璫于軍中立聖政碑事不可舉上初  
怒色變絳語不已詞旨懇切因泣下上察其意乃大開  
悟拜絳為中書舍人即命曳去所立碑曰微絳語吾不  
知為損又面賜絳紫袍為擇笏以賜之因謂之曰爾他  
時勿易此心 又曰初唐昭宗屢徵司空圖不起柳璨  
以詔書徵之圖懼入見陽為衰野墜笏失儀璨復下詔  
曰養高釣名匪夷匪惠難居公正之朝可放還山按璨  
希賊臣意誅天下才望故圖無意于世 孔帖曰唐韋

貫之為長安丞或薦之京兆尹李實實舉笏示所記曰  
此其姓名也素聞其賢願薦之而進于上 唐韋端符

衛公故物記曰三年冬端符于三原令座中揖其羣官  
有客曰某丞李謂端符曰是衛公之胄也其家傳賜書  
與他物服器十餘物訖讌端符即丞居為客謁丞延入  
就次因請以觀丞慘然曰諾即奉賜書一函他物一器  
出發眎有玉帶一公擒蕭銑時所賜于闐所獻素錦袍  
韉袴皆非華人所為象笏不類今笏火鏡椰杯等凡十



三物文皇賜書二十通多言征討事丞因請韋作衛公  
故物記 南部新書曰陳希烈不便執笏騎馬以帛裹

令左右執之李右座見曰便為將來故事矣 五代史

曰唐明宗天成元年八月丁酉以象笏三十二賜百官

之無笏者 錢希白小說曰宋丘巇為兩浙進表開寶

末年廣州牙綱到吏私藏一牙巇易得之命工解笏得

五面其中三面甚大工曰此笏紅文光瑩頗殊常等有

一聶長史者年過八十獨善相笏召使相之既至命水

洗手取其大者向日視之曰此王侯笏也然生人不當

秉又舉次者曰宰相笏也又取第三者熟視之曰卿監  
笏也亦可為節度使而非真其後不數日忠懿王急須  
一大笏巒乃以第一面附歸蓋欲致之于武肅王祠中  
備供養耳又月餘沈相公遣堂吏欲致新笏遂以次者  
進于相第執之十餘年餘第三面巒以奉錢昭宴昭宴  
後太平興國二年除衛尉卿知滑州皆如聶之言嗟乎  
三笏同出異用物固不逃于數矣何聶老之術其妙如

此邪 又曰沈良除大理寺丞通判吉州借緋遂至鋪家買一笏次有一道士行乞至鋪見沈持笏乃曰貧道善相笏見沈笏曰此只是借緋笏耳官人爭得似賜緋賜紫笏遂自出一面授沈曰此笏借緋兼是吉州通判執得沈大驚延于靜室祈以向去之事道士笑曰但且赴任如獲罷後貧道方為官人別選一面朝官笏曰何時曰明年六月乃去不見明年六月良果卒于吉州章服品第只此可以知其前定矣

### 笏三

原記善書思

仲長子曰笏以書君教令紀善刺過今之持板以象焉禮記曰將適公所史

進象笏書思對命

通理

耀握

相手板經曰相手板法出蕭何或曰四皓東方朔見之喜

曰非庸人所解用白直檀刺榆桑四材當令理通直從上至下直如弦不得出邊絕理劉義恭啓事曰聖恩

優重猥賜華纓玉笏珍冠飾首琛板耀握非臣朽薄所宜服受

增題詩

書字

唐王起兼

太常卿禮儀使帝題詩太子笏以賜之宋太宗有疾宰相呂端問疾禁中見太子不在旁疑有變乃以笏書

大漸字令親密吏趣太子入侍

書慎密

署謹密

唐崔滌玄宗時嘗朝夕宮掖出入無

間慮有所漏洩乃于滌笏上親書慎密二字以誡之唐崔澄性滑稽善辨帝恐其漏洩禁中語以謹密二字

親署  
笏端

原與孟岐

擊錢鳳

洞冥記曰孟岐河清之逸人也年可七百歲語及周

初時事如目前岐時侍周公升壇上岐以手摩成王之足周公以玉笏與之晉書曰溫嶠知王敦有異志欲

出外備之乃請為丹陽尹敦許之恐錢鳳說敦留已因餞會自起行酒至錢鳳洋醉以手板擊鳳幘墜作色曰錢鳳何人溫太真行酒而不即飲由是鳳間遂不行

增傳三世

執百人

唐語林曰

韓臯自黃門以來三世傳執一笏經祖父所執未嘗輕授于僕人之手歸則別置卧內一榻以示敬謹宋孝穆拜太師贊拜不名一門執象笏者百餘人

居安思危

偃武修文

唐裴晉公

以文皇敕起居郎書居安思危四字書于笏以為至戒周遷輿服雜事曰應仲遠云昔荆軻逐秦王其後謁者持匕首以備不虞從此侍官皆執刀劔漢高祖武修文始制以手板代焉

# 笏四

**原黻珽**

左傳曰衮冕黻珽注珽笏也

**葵首**

鄭注笏制曰天子行上終葵首諸侯不終葵首

大夫士又杼其下首廣二寸半杼猶殺也終葵首者于杼上又廣其首方如椎頭也

**增簪筆**

晉志

曰古者貴賤皆執笏笏者有事則書之故常簪筆今之白筆是其遺象三臺五省二品文官簪之王公侯伯子男卿尹及武官不簪加內侍者乃簪之尚書令僕手板頭復有白筆以紫皮裹之

**修贄**

胡氏曰古

者君臣所執五玉三帛二生一死皆以為贄而已笏則搢之用以記事不執之以為儀也宇文周乃不修贄而

執笏于是攝齊鞠躬之禮廢

**橫奏**

宋慶歷中知滄州楊偕召還令間日入對凡對必條數十事皆

默記于笏上令橫笏以奏之

**原倒執**

晉桓溫大陳兵衛將移晉室呼謝安王坦之欲于座害之

既見溫坦之汗流沾衣倒執手板安從容就席坐定謂  
溫曰安聞天下有道守在四鄰明公何須壁後置人邪  
溫笑曰正自不能不爾

**運笏**

禮記曰侍坐于君子欠伸  
運笏注云長者意欲去也

**脫笏**

又曰小功不脫笏當事則脫注云  
悲哀之時不在記事又詳笏一

**增相笏**

南唐新書  
曰李參軍

善相笏休咎多驗呼為李相笏嘗  
相陸遵笏云生子為評事果然

**捻笏**

又有龍復本  
者無目凡有

象簡竹笏以手捻  
之必知官祿年壽

**賜世忠**

紹興二年賜韓  
世忠帶笏俄坐

**賜李綱**

紹興六年江西制置大使李綱獻  
太上皇帝所賜象簡詔還以賜綱

**移南山**

唐李賀詩  
曰帝前動

笏移  
南山

**量西室**

維摩居士西室以手板量  
之得十笏故名方丈室

**插手板**

昨

有緣事馬  
上插手板

**袖手板**

韓愈詩曰行袖  
手板付丞相

**原挂笏看山**

王徽

之為桓沖參軍沖謂王曰卿在府日久此當相料理傲之初不答直高視以手扳柱頰云西山朝來致有爽氣

### 增執笏教歌

唐宋遜為連州參軍刺史聞其善歌使教婢日執笏簾外唱吟自如

原

### 執版交拜

吳志曰朱治領吳郡時權歷位上將及為吳王治每進見權常親迎執版交拜

斂

### 版正色

檀道鸞春秋曰桓玄嘗詣會稽王道子已醉對玄張眼曰桓賊長史謝重斂板正色曰公廢昏

立明功高社稷風塵之論宜絕聖聽

### 增以笏叩額

唐文宗與同平章事宋中錫謀誅宦官王

守澄鄭注等知之使人誣告申錫謀立漳王貶為開封司馬申錫望延英門以笏叩額還第

以笏

### 叩額

五代史曰何渾姦佞當班退獨留以笏叩額北望而頻呼曰真明主真明主

笏書遺

### 稿

唐魏徵薨帝臨朝嘆曰朕比使人至徵家得書一紙乃半稿其可識者曰公卿之內情有愛憎憎者惟見



其惡愛者惟見其善愛憎之間所宜謹慎其大略如此朕自思不免斯過公卿大夫宜書于笏庶知過必改也

### 笏書奏事

宋余靖奉使入辭書所奏事于笏各用一字為目上顧見之問其所書者何靖以實

對上指其事一一問之盡而後已

### 揚笏謂楚客

唐王無競三遷監察御史又改殿中會朝

見宰相宗楚客揚再思離位偶語無競揚笏謂曰朝禮不敬

### 攤笏見直言

唐劉從諫悟子

也見賈直言輒衣紫攤笏以兵自衛直言諫悟曰郎少年毋使襲山東態朝服可常著者邪

以笏

### 陳勝負

五代史曰王彥章至京師入見上以笏畫地陳勝負趙巖等劾其不恭勒還第

以笏

### 擊僕隸

宋晏元獻公以笏擊死僕隸出守南京

### 賈隱林貌偉

唐德宗見賈隱林偉

其貌問家世荅曰故范陽節度使循臣從父也帝異之引至卧内隱林以手扳畫地陳攻守之計

呂

用之術窮

六帖曰唐術士呂用之憚高駢恐術窮見詰乃刻青石手板為龍蛇隱起文曰帝賜高駢

使人潛擲几上駢得之大喜

笏五

增詩元趙孟頫題孔道輔擊蛇笏詩曰以笏擊蛇有孔  
公義與段公擊賊同事之鉅細雖有異正氣憤激生于  
中偉哉孔公聖人裔豈聽妖邪亂民志即今槐木一尺  
強氣象凜凜含風霜子孫守之慎寶藏絕勝象牙堆滿  
牀

增賦唐王子先笏賦曰昔者聖人之理天下也辨方位  
垂衣裳制茲手板整乎維綱莫不明有德著才良法天  
地體陰陽欲其表行見能則外文而內質取其前讓後  
敬則上圓而下方笏之時義遠矣大矣蕭何列其深規  
郭璞辨其微旨請原為用之本特申建造之始採文竹拔  
象齒爰謀爰相載考載擬華琬功錯英明卓峙煥飛霞  
綴流晷殊相逸發奇文秀起五岳備焉四瀆呈矣上及  
君帝下及庶士或魚鬚而表其章或玉珽以申其美故

能朱紫不奪尊卑咸理懿夫植性端平文理中正間瓊  
弁而雪白對華纓而冰淨出入必書俛仰惟敬其在宗  
廟即摺而請享其在朝廷即端而受命豈不用捨隨時  
物莫之令雖冠冕之貴黼黻之飾徒有備于朝儀孰與  
茲而同德

原賛晉王升之笏賛曰慎為德要惟善用光敬上尊賢  
貴不踰常用制斯器備對遺忘因事施禮升降有章

增銘唐孫樵笏銘曰靈豸薦角比干獻骨合以憤烈在

公為笏怒虎可唾笏不可挫太華可裂笏不可折挂天  
不側指日不蝕標儀條臆起鯁開直

增表闕名氏謝賜象簡表曰御府分珍煥切磋之文采  
使輶臨賜新指畫之威儀看山挂頰敢為晉士之清狂  
上馬設囊豈有唐人之風度執以正容書以待命入趨  
表著知文竹之非珍傳示子孫庶甘棠之不朽

鳥一

增崔豹古今注曰鳥以木置履下乾腊不畏泥溺也

方言曰履中有木者謂之複鳥自闕而東謂之複其上  
單者謂之宛下謂之鞬 三禮圖曰複底曰鳥單底曰  
履又朝服謂之履祭服謂之鳥燕服謂之履 周禮曰  
天官屨人掌王及后之服屨為赤鳥黑鳥赤纁黃纁青  
句注云凡鳥之內有屨屨外又加以鳥王赤鳥下有白  
黑二鳥后玄鳥下有赤青二鳥但言赤黑特言其尊者  
耳纁者縫中之紃以赤絲黃絲為緣也句者屨頭之拘  
謂之紃 輟耕錄曰按屨人注鳥有三等赤鳥白鳥黑

鳥也赤鳥為上冕服之鳥詩曰王錫韓侯玄衮赤鳥則諸侯與王同矣所謂玄鳥青鳥王后祭服之鳥也文獻通考曰梁天監之後諸王朝服有黑鳥開國公侯伯子男助祭郊廟有赤鳥唐六典曰凡王公第一品青鳥宋史輿服志曰服通天冠絳紗袍則用黑鳥以烏皮為之常服則用白鳥以綵為之元史輿服志曰金攀龍口玳瑁襯釘鳥一重底紅羅面白綾托裏如意頭銷金黃羅緣口玉鼻又飾以珍珠金

鳥二

增列仙傳曰黃帝葬橋山崩無尸唯劍鳥存拾遺  
錄曰秦王子嬰寢于望夷宮夜夢有一人長丈餘鬚鬢  
絕青納玉鳥而乘丹車告云天下當亂王乃殺趙高所  
夢則始皇之靈所著鳥則安期所遺者

鳥三

原複下

乾腊

鄭玄注曰複下曰鳥名曰鵠腊也行禮久立地或泥濕故複

下詳鳥一又釋

其末下使乾腊也

鳳文

增龍口

漢武內傳曰元封二年七月七日夜二更之後西王



母降于殿前履鳳  
文鳥 下詳鳥一

原金華 增革鞜

曹植七啓曰金華玄鳥動趾遺

光 揚雄長楊賦曰革鞜  
不穿服虔注曰鞜鳥也

上方賜

家廟藏

蘇軾詩曰上方

行賜尚書鳥 又  
曰家廟藏赤鳥

鳥四

原赤鳥

詩曰公孫碩膚赤鳥几几

玄鳥

三禮圖曰皇后翬衣元鳥褕翟赤鳥鞠衣青履

玉鳥

列仙傳曰安期先生者瑯琊阜鄉人也賣藥于東海邊時人皆言千歲翁秦始皇東遊請見與語三

日三夜賜金辟虔數千萬出于阜鄉亭皆置去留書以赤玉鳥一量為報曰後數年求我于蓬萊山始皇即遣使者徐市廬生等數百人入海至蓬萊山輒逢風波而還立祠阜鄉亭海邊十數處 又云嶺表菖蒲澗有菖

蒲一節九寸安期服之飛去遺下玉鳥

**金鳥**

詩曰赤帝金鳥會同有繹

**縞鳥**

說苑曰襄

成君始封之日衣翠衣履縞鳥

**文鳥**

陸績裳衣經曰冬服純青裘履文鳥

**龍鳥**

風土記曰

衣美與之輕裘躡光華之龍鳥

**豹鳥**

左傳曰楚子次于乾谿以為之援雨雪王皮冠秦復陶翠被豹

鳥執鞭以出

**革鳥**

風俗通曰孝文身曳弋綈而履革鳥

**鳧鳥**

王喬為葉令有神術每月

朔望常自縣詣臺帝怪其來數而不見車騎密令太史伺望之言其臨至有雙鳧飛來舉羅張之但得雙鳥呈

上方識是四年所賜尚書履也

**增露鳥**

韓愈詩曰暄晨躡露鳥

**墮鳥**

明皇幸華清貴

妃兄錡國忠及三姊皆從別為一隊五家隊合爛若萬花園忠導以舳南旗節遺細隋鳥瑟瑟璣琲狼籍于道香聞數十里

**亂鳥**

漢中常侍張讓子奉為太醫令與人飲酒輒挈引衣裳發露形體以為戲樂將

罷又亂其鳥  
履無不顛倒

**錯鳥**

淳于髡曰州閭之會男女同席合搏促坐履鳥交錯

**厚鳥**

杜氏幽求曰衮衣博帶高冠厚鳥佩以珠璣結之纓黹

**陵鳥**

莊子曰鼃墳之衣生于陵屯則為陵

鳥注陵鳥車前也言物因水成生于陵阜則化為車前無常形也

**萬錢**

衡波傳曰足屬萬錢之鳥

漂寫日光宛如遊龍

**一雙**

張安國詩曰秦階歷盡郎歸來赤鳥几几應一雙

**鳥五**

增詩宋蘇軾謝人惠方鳥詩曰胡韡短勒格粗疎古雅無如此樣殊妙手不勞盤作鳳輕身只欲化為鳬魏風褊儉堪羞葛楚客豪華却笑珠擬學梁家名解脫便于

禪坐作跏趺

增賦唐錢起豹鳥賦曰麗哉豹鳥文彩彬彬豹則雕虎  
齊價鳥與君子同身故得飛聲入楚見賜留秦曩者何  
為隱霧而不下今復何幸對雪而迎賓蓋因虞者之獲  
成于匠者之手苟當時以為用雖殺身而何有于以履  
之美且無度既居下以禦濕亦迎前而啓路花映香塵  
先生玉步借使登朝廷列臺閣規矩不改會同自若投  
其迹必陟鴛鴦之行取其文不改犬羊之羣詩人歌其

事春秋美其名捨則止用則行拂漢齊飛遙分鄴令之  
術入朝曳響近雜尚書之聲彼糾糾葛屨珊珊珠履一  
則固窮一則僭起制度首出憲章俱美嘗試談論其茲  
爲而已士或覽之而言曰象以齒而焚龜以骨而斃况  
之豹也憑巖穴以逞欲以爪牙而自衛而有用于人竟  
以皮而屨一朝寢處成此新偉夫斑文散煥毳毛蒙密  
映鶴氅以迎暉臨翠被以曜質于斯時也不可談悉亦  
有刻意未參卑秩東郭之曳履長穿王生之結襪何日

思蔚然而一變歌豹爲以自畢 又賦曰豹可爲兮鬱  
矣其文材賈害兮用之楚君用之則那爲鳥几几雖工  
興其飾亦天鍾厥美奢以則之衆目所視異哉惟雜爾  
巧有詭其制也青葱掩其真赤纈慙其麗動容而彩射  
金屋舉趾而聲傳玉砌諒服翫之惟奇知侈靡之無藝  
微夫至理也匪威儀不忒匪古訓是則甚葛屨之失禮  
同鷗冠之敗德何役智以宣驕乃自躬而刑國噫先王  
立極念茲在茲服有常度行無越思何爾爲之豹飾雜

珠綺與文狸若昭其泰無乃簡夷是鳥也君子歎之觀  
乎異狀班然周蹙霞起煥爾文質當其踐履知我者謂  
我惡居下流不知我者謂我親承玉趾則知物有所歸  
天之冥數惟豹作鳥殺身思遇惜其有美而來亦以禦  
寒之故雖雨雪而盈尺俾陽和而在步不然者寧踐于  
斯路客有感而言其文也何麗其用也何薄當卑步武  
之間徒異犬羊之韓飾被已慙于翡翠為裘更羨于狐  
貉別南山之霧以奉進趨同鄴縣之鳧願翔寥廓謝

良輔豹舄賦曰惟茲舄兮稱珍受異質而彬彬其文也  
合變于君子其用也見美于詩人伊昔大匠未知含章  
可久栖止隱霧或羣或友且申威以肅殺寧畏險而挺  
走豈知獻狀于獠者之身入用于屨人之手敏手既至  
光華增媚兩美必合一朝成器信常功之嘉猷為盡飾  
之美利苟賞善之在我甘殺身而不懟曲直裁成威儀  
可覩若向也獸而今也舄諸侯所重楚子之翠被有光  
王者攸宜周官之赤纁無數左之右之乍合乍離每唯



命以進退將有翼于威儀擇地而行豈慮泥塗之辱有  
道則至尚懷文彩之奇故尚書之曳履聲則有音中郎  
之倒屣義亦為美雖措足以同方豈能文而可紀則知  
隨時應物順人合度克通夫莫往莫來寔怪于規行矩  
步滯阜鄉之自惜飛鄴縣之可慕願賓上國之堦墀冀  
吾君之一顧夫材俟時而進用時須材以求索彼微獸  
之有章亦飾躬而制作慕公孫之几几恥滑稽以文錯  
幸參鸛鷺之行無雜犬羊之羣若然者則荷夫天衢之

享對斯文而不忤

靴一

原釋名曰靴本戎服也趙武靈王所作常短鞞以黃皮為之後漸以長鞞軍戎通服 增晉傳咸表曰涼州民

先辦靴從軍之物然後作衣 筆談曰北齊全用戎服

長鞞靴 文獻通考曰隋文帝聽朝之服有六合靴與

貴臣同服 朱子語錄曰隋煬帝出幸因令百官以戎

服從一品紫次朱次青皂靴乃馬靴也後世循襲遂為

朝服 唐六典曰平巾幘之服武官及衛官烏皮靴

宋史輿服志曰宋初沿舊制朝履用靴政和更定禮制改鞮用履中興仍之乾道七年復改用靴以黑革為之大抵參用履制惟加鞮焉其亦有絢纓純綦大夫以上具四飾朝請武功郎以下去纓從義宣教郎以下至將校技術官並去純底用麻再重革一重裏用素衲纒高八寸諸文武官通服之惟以四飾為別服綠者飾以綠服緋紫者飾亦如之倣古隨裳色之意 又通考曰宋

制天子之服有阜文靴大宴則服之 元史輿服志曰  
紅羅靴制以紅羅為之高鞞 又曰雲頭靴制以皮幫  
嵌雲朵頭作雲象鞞束于脛

## 靴二

增後魏書曰有人遺趙柔靴數百枚柔與子善明鬻之  
于市有人從柔買柔索絹二十疋有商人知其賤與柔  
三十疋善明欲取之柔曰與人交易一言便定豈可以  
利動心也遂與之 唐史曰皇甫鏐詔出內帑所餘給

邊兵故繒陳綵觸手輒壞士怒焚之裴度奏聞罇指所  
著靴曰此內帑所出牢鞞可服帝信之又曰建中初  
贈司徒沈易良之妻崔氏即太后之季父母也上見之  
方展而靴

靴三

增加鞞

原織成

上詳靴一遺足下織成

魏武帝與楊彪書曰今

緹

又鄴中記

今

曰石虎皇后出女騎千人皆著五綵織成靴

擊吏

賜軍

後周王褒性急有吏挾私陳事

自取靴履擊之士有跣行者帝親脫靴賜之得其死力

增繫錢

用銅

鄭惜掌選贓汙有選人繫百錢于靴上曰當今之選非錢不行

三兩為御靴刺花用上曰不可因請易以銀而鍍金者上曰亦不可金銀首飾也今民間所用何物對曰用銅

上曰可

力士脫

原竇軌遺

李白供奉翰林常侍玄宗醉使高力士脫靴力士恥

之摘其詩激楊貴妃帝欲官白輒為妃沮止唐朱桃推成都人隱居不仕浮游人間長史竇軌遺以底憤鹿靴委之地不肯服

增叔通加帶

馬周加羶

唐開元中裴叔通以羊皮為靴

加以帶子裝束事物紀原曰唐馬周以麻為靴殺其靴加以靴羶故事不許著入殿省至是加飾乃許也

原毛寶血滿

增韋斌雪沒

王隱晉書曰溫嶠討蘇峻參軍毛寶為箭所傷

貫股徹鞍及歸營使人拔箭血流滿靴唐韋斌每朝會不敢離立笑言會大雪在庭者皆振裾更立斌獨不

徒足雪甚  
幾至沒靴

# 靴四

原繡靴

慕容晃與顧和書曰今致足下繡靴一緡增  
宋范成大詩曰繡靴畫鼓留花住刺舞春風小

契丹

增錦靴

唐李白詩曰青黛蛾眉紅錦靴

石靴

酉陽雜俎曰于闐國利利市有石靴

銀靴

南唐近事曰元宗幼學之年馮權常給使左右  
上深所親幸每曰我富貴之日為爾置銀靴焉

保大初命親王及東宮舊僚擊鞠歡極頒資  
有等語及前事即日賜銀三十斤以代銀靴

原作靴

北齊書曰鄭太妃初與神武避葛榮同走并州貧困燃馬屑自作靴

賣靴

列仙傳曰文省太丘人也

賣靴為素

虎皮靴

梁蕭琛著虎皮靴策桃枝杖直造王儉與語大悅之

增烏紋靴

黃庭堅謝惠墨詩曰  
麝煤漆澤烏紋靴

出門厭

又曰出門  
厭靴襪

泥土滿

蘇軾

詩曰泥土  
滿靴履

賜進士

宋太平興國二年賜新及  
第進士諸科綵袍靴笏

賜遺

逸

宋祥符四年以河中遺逸劉選為評  
事賜綵袍靴笏銀帶束帛及五言詩

原換婦人靴

北齊書曰任城王潛為并州刺史有婦人臨汾水浣衣  
有乘馬人換其新靴而去婦人持故靴詣州言之潛召

城外諸姬以靴示之給曰有乘馬人于路被賊劫害遺  
此靴焉得無親屬乎一姬撫膺哭曰兒昨著此靴向妻

家如其語捕獲  
一時稱明察

增抱刺史靴

唐崔戎為華州刺史遷  
東海沂密觀察使民攤

留于道不得前乃休傳舍  
至抱持其靴戎夜亡去

辟支佛靴

酉陽雜俎曰于  
闐國贊摩寺有

辟支佛靴非皮  
非綵歲久不爛

藍采和靴

藍采和一脚  
靴一脚趺



御定淵鑑類函卷三百七十二